

# TIISO EA BORARŌ



Lumelang mantsiboea ana, metsoalle. Re ka tsoa re sa eme nakoana thapelong. Re inamisa lihlooho tsa rōna.

<sup>2</sup> Ntata rōna oa Leholimō, ha re utloa sefela seo—seo se monate, re—re a nahana, Morena, mabapi. . . hore U haufi. 'Me re U rapela ho re amohela bosiu bona, Morena, joaloka bana ba Hao, ho tsoarela libe tsa rōna tsohle li litšito, le ho re fa mahlohonolo a Hao, kaha re le batho ba hlohang.

<sup>3</sup> 'Me horeng e khōlō ena eo re phelang ho eona, re bona, selemo se seng le se seng, ho fifala ho bile ho fifala, ka nqa ea lefatše. 'Me ho Khutla ha Morena ho eketsa ho khanya le ho khanya ho feta, A sa ntse a Itšenola kahara. . . Lentsoeng la Hae le ka ponahatso ea Hae. Re boetse re tlike, bosiu bona, Morena, ho leka, ka 'moka ona, ho U rapela ho re bulela, Morena, Tiiso ena ea Borarō ea Buka ena, re tle re e tsebisoe, re tsebe seo re ka se etsang le mokhoa oa ho phela, le mokhoa oa ho fetoha Bakreste ba molemo ho feta.

<sup>4</sup> Kea rapela, Molimo, hore U etse mang le mang e seng Mokreste ka mona, bosiu bona, ba eelloe hoba ba U hloka. Aba sena. 'Me ke—kea rapela, Ntate oa Leholimō, Mokreste e mong le e mong ea tsoetsoeng labobeli a eelloe hoba o tlameha ho phela haufi ho feta le nako e fetileng, bohle re tle re kene bonngoen bo ba lerato la Bokreste le tumelo.

<sup>5</sup> Abela ho folisa mokuli ofe le ofe hara rōna bosiu bona, Morena. Ba eelloa hoba ba U hloka. 'Me kea rapela, Ntate, hore U tle u hlohonolofatse sohle se etsoang kapa se boleloang, tlotlisong le khanya ea Hao, ka Lebitso la Jesu rea kopa. Amen.

<sup>6</sup> Be, hape, bosiu bona, re bokane 'moho bakeng sa sena, ke—ke bosiu ba Laboraro ba veke. 'Me re tšepile Morena, bosiu bona, ho tšolloa ha e—e phororo e khōlō ea mahlohonolo a Hae holima Lentsoe la Hae. 'Me kajeno esale ke bala, ka tloaelo, ho leka ho nahana lintho tse tsoanelehang ho feta ho li bua, le ntho, le mokhoa oa e bua, le ho tšepa Morena ho mpha koahollo le moelelo oa—oa Lentsoe lena le ngoliloeng. 'Me ke Mo leboha ka seo A re etselitseng sona vekeng, haele moo re. . . ka pulo ea Litiiso tsena.

<sup>7</sup> 'Me, joale, mohlomong e ka ba botle Sontaha hoseng, ka. . . Lea tseba, hangata. . . Ha rea ikemisetsa ho utloisisoa ka phoso, empa, lea tseba, u. . . Ho lutse ho le joalo. 'Me ka hona, mohlomong, Sontaha hoseng, ho bohle ba tsoereng potso kelellong ea bona ka eona, ba ka e ngola ba e bea desekeng mona, Moqebelo bosiu, ke tle ke bone tšobotsi ea eona. 'Me ke tla leka ho u arabella eona, Sontaha hoseng, ha Morena a ratile. Kea kholoa ho ka ba molemo ho feta kamoo re neng re

lekantse, kaha ka linako tse ha e utloisisoe, lea tseba. 'Me ka mokhoa oo ke tla fumana. . . Ho ka ba molemo ha nka—ha nka e otlolla, lea tseba. E tle e be kamoo e loketseng. Hobane, ka linako tse ling, joale. . .

<sup>8</sup> Motho o letsitse kajeno 'me a bua, hore—hore, a letsa a batla ho tseba haeba e le 'nete, ho re, “Mohla e—e Hloibilo, ho tla fumanoa a le mong Jeffersonville le a le mong New York, athe ba bang bohle ba tsoa mose ho maoatle.” Ka baka leo, lea bona, e mpa e sa utloisisoe feela. Eaba motho e mong o bua, ka taba eo, “Moqebelo bosiu, ha Morena a ka re fa Tiiso ea ho qetela, Jesu o tla fihla mona Sontaha hoseng.” Lea bona? Ka hona ke e—ke e. . . Lea bona, u—u ha u. . . Taba eo, ha e joalo. 'Me ha u. . . Hase eona.

<sup>9</sup> Ha re tsebe. Motho ea u joetsang a tseba mohla A tlang, u hle u tsebe hore ba fositse, le ho qala feela, hobane ha ho ea tsebang. Feela re batla ho phela, kajeno, eka ke hona joale.

<sup>10</sup> Ke batla ho le hlanamisa nakoana, itokiseng ke hona. Ke—ke lumela Jesu a tla fihla kahare, ka tlasa, metsotso e merarō ho tloha hona joale, ea nako ea Hae. Na lea tseba ke nako e kae? Lilemo tse ka bang mashome a mararō a metso e mehlano. Lea bona, lilemo tse sekete ke letsatsi le le leng, ho Eèna, lea bona.

<sup>11</sup> Ka baka leo, ha u utloa moapostola morao mona a re, “Nako e atametse,” holimo mona, “nako e atametse.” Moapostola o e buile ka Tšenolo. Na lea tseba ke khale hakae? Ha eso be. . . E ne e le maobane feela, ho Molimo, le matsatsi a mabeli ha eso fete.

<sup>12</sup> 'Me, lea bona, haeba e le metsotso e merarō, katlasa metsotso e meraro ea ho Khutla ha Hae, lea bona, e ka ba lilemo tse mashome a mararō, mohlomong, ho rōna, kapa ntho e kang eo. 'Me le shebe kamoo, hore ebe metsotso e merarō e ka ba eng ho Eèna: O se a ntse a ema, ho tla. Ka baka leo rōna, uena. . . ka linako tse ling ha u bala mona, O bua ka puo ea Lentsoe, lea bona, e seng ka puo ea rōna.

<sup>13</sup> 'Me holane ke Mo tsebile a etla hosane bosiu, hosane bosiu, hosane ke tla be ke bala ke Mo kopa ho mpha Molaetsa oa Tiiso ea Bone. Ke ne ke tla theohela koano ho O rera, ka ho tšoana feela. Lea bona? Tsatsi ka leng ke—ke batla ho etsa seo ke tla beng ke se etsa haeba A ka fihla. 'Me ha ke tsebe nqalo e molemo ho feta ho fumanoa hantle temeng ea mosebetsi, lea bona, temeng ea tšebetso. Ka hona re lula re lebeletse A tle a be a fihle.

<sup>14</sup> Ka linako tse ling ha re bala feela, 'me, joale, u ele hloko u tiile. 'Me ha u bala, lata liteipi, u li sekehe ka kelohloko. Hobane, u tla e fumana teiping, hobane esale ba letsa liteipi tseo, 'me li hlile li molemo 'me li hlakile. Ka baka leo, mono u tla e fumana e hlakile.

15 Joale, mang le mang o rata Kreste, kea tšepa, bosiuung bona, 'me mang le mang o a Mo rata.

16 Ke tla le bolella, ka linako tse ling, se ferekanyang batho, ke motho ea kenang 'me a sa utloa karolo e qalang ea tšebeletso, lea bona. Ebe ba kena 'me ba u utloa u khutlela morao, u e ama, e le ntho e itseng, ba se ba e phamola, ntho e builoeng, athe ha ba utloa karolo e qalang. Ehlile e a ba ferekanya, lea bona, ke hona. 'Me ba lumela ho builoe ntho e fapaneng, empa Eona—empa hase Eona.

17 Ha u na le potso eo u sa e utloisising, e ngole sekhechaneng sa pampiring feela. Neelana ka eona, nako efe lipakeng tsa joale le Moqebelo bosiu. 'Me ke tla leka, Sontaha hoseng, ho... Haeba e batla e hlolla, u re, "Be, kea ipotsa ebe *sena* mona se ne se bolelang. Ha kea se tšoara." Le tseba seo ke se bolelang. Ke tla leka ho u arabella eona, Sontaha hoseng, ha Morena a ratile.

18 Joale, bosiuung bona re tla bala Lentsoeng le bokoang lena la khale hape, khaolong ea 6. 'Me bosiuung bona re qala ka Tiiso ea Borarō. 'Me eona ke temana ea 5, temana ea 5 le ea 6.

19 'Me hosane bosiu re phethela bakalli ba bane; pere e tšoeu, le pere e khunong, pere e ntšo, le pere e tšehla.

20 'Me ke batla ho bua taba ena. Hore, nako le nako, esita le hoseng hona, ha e batlile... Ke tsoha ka meso, ka meso haholo ho kena thapelong pele lintho li fulueha, 'me ha ke phetse ho rapela letšoare lohle. Empa hoseng hona, ka meso, Moea o Halalalang o tlile moo ke neng ke le teng. 'Me ka ho hlaka joaloka eng, ka—ka bona Tiiso e 'ngoe ena e buleha joale, hantle feela. Joale—joale—joale, O nkutloa, kea tseba. 'Me ke leboha haholo.

21 Joale, le tle le hopole feela hore ntho e 'ngoe e a etsahala. Eo, ke—ke tšepang hore lea e tšoara, lea bona, lea bona, ntho e 'ngoe e a etsahala. Ke batla ho fetisa kereke ena tekong ka le leng, ho bona haeba hlile ba khona ho qhautsa ntho le pele e hlile e etsahala. Joale le hopole, le hopole seo ke le boleletseng sona. 'Me, joale, Morena a re thuse.

22 Joale temaneng ea 5.

*Eare hobane e manolle tiiso ea borarō, ka utloa sebopuo se phelang sa borarō se re, Tloo... bone. Eaba kea talima, ka bona pere e ntšo; 'me ea e kaletseng a tšoare sekala letsohong la hae.*

*'Me ka utloa lentsoe mahareng a libopuo tse phelang tse 'ne le reng, Khala e le 'ngoe ea koro e rekoe ka denare, le khala tse tharo tsa harese ka denare; empa u se ke ua senya ole le... veine.*

23 Joale tloong re e tšehetse nakoana feela, maloka le Litiiso tseo re li fetileng. Hobane, ho joaloka mengoaha ea kereke

feela, khele, re leka ho tšehetsa, ho leka ho e lohanya, ho fihlela le khona . . . Ehlile le mengoaha e joalo kahara Lengolo, o mong o qhaphana le o mong, ka mokhoa oo. Ho joaloka ha o ehloa lere, le ho hloa mothati, ke rialo; o mong o mathela ho o mong, le ho khutla ka mokhoa oo, ha u hloa mothati.

<sup>24</sup> 'Me joale, Litiiso tsena, e . . . Ke e—Ke Buka ea Topollo, e tiisitsoeng. Mang le mang o utloisisa hoo? [Phutheho e re, "Amen."—Mong.] 'Me Buka ena e tiisitsoe ka Litiiso tse Supileng. Ke Buka e tiisitsoeng hasupa. Lea bona?

<sup>25</sup> 'Me joale le hopole, kamoo re le taketseng eona, ra e qotsa ho Jeremia le bohle. Joale, bao, enereha ha ba fumana . . . Ba ne ba ngola ka mokhoa *ona*, holima sekhechana sa—sa sengoloo, kapa sa pampiri, ke rialo; kapa, e seng pampiri, letlalo feela. [Moena Branham o tšoantša ho roloa le ho tiisoa ha sekorolo, a sebelisa mahlaku a lipampiri—Mong.] 'Me ba se rola, ka mokhoa *ona*. Joale eo . . . 'Me ebe ntlha ea eona e siiloe ka mokhoa *oo*; hoo ho supa se leng teng mono. Se latelang se beoa ka malulo a kang ona ao, se roloa ka ho tšoana, ho roloa ka mokhoa *oo*. 'Me ebe, ntlheng mona, e taboloa ka mokhoa *oo*, ebe ho sala e 'ngoe.

<sup>26</sup> Be, eo e ne e le Buka e tiisitsoeng hasupa. Joale ha re eso fumane Libuka tse kang *ena* haese ho fihlela morao tjena. Libuka tsa mehla ea khale e ne e le lisekorolo. Li ne li rotsoe. 'Me enereha ba batla sehloho kapa ntho efe . . . Joaloka haeba—haeba Bibeले e rotsoe, 'me u batla ho phetla Buka ea Esaia; u tla phetla ho Esaia, ebe u E harolla ka mokhoa *oo*, u E bale. 'Me ena ke Buka e tiisitsoeng hasupa ea Topollo.

<sup>27</sup> 'Me joale re fumana Konyana e tsoa, e nka Buka letsohong la Ea lutseng Teroneng, 'me e manolla Litiiso, le—le ho lokolla . . . le ho lokolla ntho Eo, le ho lokollela batho Litiiso.

<sup>28</sup> 'Me Libopuo tse 'ne li lutse mono, re e thonakile ho mengoaha ea kereke, tsona Libopuo tseo, le li bonang hohle Lengolong, 'me ke Tsona Tse tumisang pulo ea Litiiso tsena. Joale, 'me rea bona hore ke—ke Buka ea Topollo.

<sup>29</sup> Eaba re khutla re nkana le e—e Molopolli oa Lesika, ra Mo thonaka, ho lekola mosebetsi oa Hae. 'Me joale esale lilemong tsena tsohle, Kreste a etsa mosebetsi oa Molopolli oa Lesika. Joale, ba utloisisang seo, e reng, "Amen." [Phutheho e re, "Amen."—Mong.] Esale A etsa mosebetsi oa Molopolli oa Lesika.

<sup>30</sup> Empa nako ea tla eo mosebetsi oa topollo o tla felisoa ka eona. 'Me mohla mosebetsi oa topollo o felisoang, O tloha Teroneng ea Molimo, moo A lutseng teng hona joale. Empa eo hase Terone ea Hae. "Ea hlohang o tla lula le 'Na Teroneng ea Ka, joalokaha le 'Na ke hlotse ho lula Teroneng ea Ntate Oa Ka." Hase Terone ea Hae. Ke ea Moea, Molimo. Kreste, Konyana, hase ea Hae. Ke Molimo nameng, lea bona; e leng Molimo o le mong, o entsoe nama. Joale, O ema setulong . . .

<sup>31</sup> Pele, ho ntšoa tsebiso, ea ho re, “Ke mang ea ka tsebang ho tla tla re- . . . le ho nka Buka ena ea Topollo?” Lea bona, bakeng sa morero ohle oa topollo, ho qala ka Adama, sohle se lahlehetseng Adama.

<sup>32</sup> Ho ne ho sa lahleha letho ho fihlela ka Adama. 'Me ka mora Adama, tsohle tsa lahleha, holima lefatše. 'Me tlhaho eohle ea lefatše ea lahleha. 'Me sohle se oele le Adama, sa tšela khohlo, 'me ho se letho le ka tsebang ho khutla, ha ho mokhoa ho hang. Motho, mohla a ne a etsa sebe, o fapohile tsela ea hae, ha a ka a itšielana tsela e khutlang. 'Me eaba e . . .

<sup>33</sup> Potso ena ha e botsoa; Johanne mosenoli, eo . . . moporofeta Johanne, o ne a kene ponong 'me o e bone. 'Me keha ho se e mong Leholimōng, ho se e mong lefatšeng, ho se e mong katlasa lefatše, kapa ho se mang, ea nang le tokelo esita le ho sheba Buka. Lea bona? Joale nahanang taba eo feela! Eaba Konyana e tsoela kapele, 'me E nka Buka. Joale Johanne o koptjoa ho se hlole a lla. A re, “Bona, Tau ea Juda e hlotse, 'me—'me E ka tseba ho nka Buka le ho E phetla.” Ka baka leo, eaba o retoloha ho bona Tau, 'me a bona Konyana. Moholo o bitsitse, o itse, “Tau e hlotse.” Empa ha a hahla a talima, Konyana ea tsoa Teroneng.

<sup>34</sup> Joale, pele a sa ka a lemoha Seo. Hobaneng? Esale A le motšeo koana, tšebetsong ea Hae mosebetsing oa Hae oa boemeli; hobane O ne a ntse a fopha mali bakeng sa batho, ho buella batho, ho fihlela moea oa ho qetela, o nong o beoe Bukeng ea Bophelo ea Konyana pele lefatše le theoa, o kene. Ho tla ba le palo e baliloeng feela mono, 'me ke eona feela. Ke phetho. Ba bang ba ke ke ba batla esita le ho kena; ha ba na takatso ea ho kena. 'Me ka hona, he, mohla moea oo oa ho qetela o kenang, nako ea topollo e felile.

<sup>35</sup> Ebe moo Konyana e hlahang ho hlahlela litseko tsa Eona tsa seo A se lopolotseng, 'me eona ke tlhaho eohle. Lefatše le tsohle ke tsa Hae. Lea bona? O le lopolotse ka Mali a Hae ka Sebele. 'Me mohla A hlahang ho nka Buka ena, ho E phetla, hobaneng, khili, ba ne ba . . . Johanne ha a hlola a liile. 'Me eaba o a talima, 'me keha Konyana ena e le Konyana e hlabiloeng. E se e hlabiloe, feela e boetse e phela. 'Me joale re fumana konyana e hlabiloeng e le konyana e mali, e fopha mali hohle. E ne e hlabiloe. Hoba E hlajoe, E boetse e tsositsoe. E ne e lutse Teroneng, ha re re, motšeo koana ho Terone, ka mokhoa *ona*, e ntse e buella meea eohle e tlang ho fihla. Eare hobane oa ho qetela a fihle mona, 'me e se e qetiloe, e . . . Molimo o ntse o tšoare Buka ea Topollo. Lea bona? Joale O mpa feela a etsa mosebetsi oa Lesika le haufi joale.

<sup>36</sup> Joaloka, Boase ea kileng a theoaha, 'me Ruthe a lutse mono feela a letile ho fihlela Boase . . . Ke re, ke Boase ea hlakisitseng re- . . . lesika le haufi, mosebetsi oa topollo. Na le sa nkhopola

ke e rera, nakoana e fetileng? Ruthe, o a khoahlapisa; le, Ruthe, sohle seo a se entseng; le ho theoha joalo, 'me temana ea ho qetela ea eba, Ruthe, o letile. Na le sa hopola kamoo nkileng ka e bapisa kahara Kereke? Eare, Boase a sa tloha ho etsa mosebetsi oa topollo ka oa lesika. O e phethisitse; a rola seeta sa hae a ba a paka, eaba o lopolla Naomi, 'me, ka ketso eo, a fumana—fumana Ruthe. Joale, ka hona, Ruthe o ne a letile feela, kaha a se a sebelitse. A se a entse lintho tse ling tse na tsohle, empa joale o letile. 'Me eareha . . . Kereke e sa letile, e phomotse (bongata ba bona, boholo ba bona, leroleng la lefatše), nakong eo A ntseng a etsa mosebetsi oa Hae oa Topollo ka oa Lesika.

<sup>37</sup> Joale lefatše le ntse le senyeha. 'Me sebe sea qhobellana, le—le maloetse, le mathata, le lefu, le mahlomola. Banna ba se nang borapeli le basali ba se nang borapeli ba shoa hantle ba monyela. Ba jeoa ke mofetše, le ntho e 'ngoe le e 'ngoe, haeba ba sa khone ho hlaeletsa ka tumelo e lekaneng kantle mane ho e tšoara.

<sup>38</sup> Joale lemohang. Empa hoba tsohle li fete, kamora ntho ea Hae ea re- . . . Ka morao ho bobuelli ba Hae, O a hlaha, ho nka Buka letsohong la Hae. 'Me eaba Johanne, le tsohle tse Leholimōng, 'me eaba ho qala . . . Meea e tlasa aletare e qala e hlaba litlatse. Re kena ho eona tlasa Tiiso ea Botšelela, hape. Le kamoo ba ileng ba nyakalla! 'Me—'me ba itihela fatše, baholo, 'me ba tšolla merapelo ea bahalaleli. 'Me meea e tlasa aletare ea hoeletsa, "U loketse, hobane U re lopolletse ho Molimo! 'Me re khutlela lefatšeng, ho phela joaloka marena le baprista." Oh, e ne e ehlile e le . . .

<sup>39</sup> 'Me Johanne o itse, "Tsohle tse leng Leholimōng, tsohle tse leng katlase ho lefatše, le tsohle," tsa mo utloa a boka Molimo. Johanne o tšoanetse a be a fumane lebitso la hae Mono, lea tseba. Nakong eo eohle!

<sup>40</sup> Eaba o re, "O loketse ho nka Buka ea Topollo." Joale ha e sa hlola e le ea Moahloli morao koana. Ke ea Molopolli, 'me O se a entse mosebetsi oa topollo.

<sup>41</sup> Joale o tliš'o bontša Kereke seo A se entseng. Amen. Lea bona? Feela O mpa a nka . . . Empa Buka e koetsoe. Ho se ea ka tsebang, ho hang. Ba tsebile E le Buka ea Topollo, holima Eona mono, empa E tlameha ho senoloa matsatsing a qetelo. Ho latela Tšenolo 10, lengeloi la bosupa le tla fuoa Molaetsa oa ntho Eo. Hobane, E boletse, ho re, "Mehlang ea moletso oa mongoaha oa kereke ea bosupa, lengeloi la bosupa, mohla le utloahatsang, liphiri tsohle tsa Molimo li tlamehile ho phethahatsoa, ke moletso oa hae." Hape, ka mora hoba E senoloe, Lengeloi le theoha Leholimōng, lona e ne e le Kreste. Joale hopolang, ho re lengeloi lena le lefatšeng, moromuoa.

<sup>42</sup> Kreste o a theoha, le 'Mona khaolong ea 10 ea Tšenolo; o beha leoto le leng holima lefatše, le le leng holima leotle; o

roetse mookoli hloohong ea Hae, mahlo e ka . . . 'me maoto eka mollo, le joalo-joalo; o phahamisa letsoho la Hae, ho hlapanya ka Ea phelang mehleng le mehla, ea leng Teroneng, ho re, "Nako ha e sa tla ba teng." 'Me ha A nka kano ena, Lialuma tse Supileng li utloahatsa mantsoe a tsona.

43 'Me mongoli, etsoe, mohla Johanne a na a nyolloa, o ne a tlamehe ho ngola seo a se boneng. Eaba o qala a ngola. A re, "U se ke ua E ngola." Hobane . . . "U se ke ua ngola Seo." Ke ntho e un- . . . A re, "E koahela." Ho koahela eng kahare? "Koahela. U se ke ua E bolela." Lea bona, E tlameha ho senoloa, empa esita le kahara Lentsoe ha E a ngoloa.

44 'Me eareha A qala a manolla Litiiso, rea fumana, tsohle li ne li makatsa. Lea bona? Eitseha A manolla Tiiso ea Pele, o ile a nahana, "Joale mona E tla re, 'Me mohlanteng oo *sekete-kete* o tla lula teroneng, le ho *itseng* ho tla etsa *sena*, le *sena* se tla etsa *sane*.'"

45 Empa hoba e hlahe, mona ho tsoa, pere e tšoeu, e kaletse, mokalli a e kaletse. Be, "A tšoeu seqha letsohong la hae; eaba o fuoa moqhaka, hamorao," a rialo. Ke phetho.

46 Eaba Konyana e boela e phetla, ea phetla Tiiso e 'ngoe, teng mona ha tsoa e ntšo . . . mokalli oa pere e khunong. "Me a nkile le . . . a fuoa e—e lerumo; a tla tloha ho etsa ntoa; 'me a fuoa matla a maholo, le ho tlosa khotso lefatšeng, le hore ba bolaeane." E ne e batla e . . . koana e sa ntse e le mohlolo oa ntho (ha ke re na?), mohla A neng a E manolla.

47 'Me ho tsoelapele, ho thoe, "Ka letsatsi leo pejana feela ho Lialuma tse Supileng tsona, liphiri tsohle mona lia senoloa."

48 Joale shebang. Re a fumana, ho latèla tekolo ea rōna, hore, ha re theoha le mengoaha, re fumane bahlabolli, e seng baporofeta. Bahlabolli! 'Me phaposi ea e mong le e mong e hlakisa mosebetsi oa eona—oa eona.

49 Joaloka monna ea—ea laolang mohala, hantle-ntle ha se ramotlakase. A ka sebetsa lethonyana teng. 'Me ho joaloka, haeba monna e le ramehala, be, ruri o . . . Ha monna e le mocheke oa mekoti ea lipalo, 'me a eso sebetse mosebetsi oa mehala, a mpe a tlohe mehaleng; empa a ka etsa mosebetsi oa ho pecha kapa ntho e 'ngoe.

50 Empa mohla Ntho ea makoma e senoloang letsatsing la ho qetela, e leng karolo ea ho qetela ea Kereke, mohlanteng oo Molimo o itse O tla re romella, ho latèla Mangolo. 'Me re e fatile ka botlalo le ka botlalo, hore O lepile Moea oa Elia o tla khutlela kahara motho ea itseng. Joale, ke kholoa e hlakisitsoe pepenene. 'Me re . . . 'Me re e shebeletse ho etsahala; nqa e 'ngoe, motho ea tlotsitsoeng, matsatsing a qetelo, ea tlang ho hlaha. Joale le tla utloa mahlanya a mangata le ntho eohle, empa e le feela—feela ho leka ho . . . Ke diabolosi, ea leakang ho

fokotsa ntho ea makhonthe mohla a fihlang mona, lea bona. Empa e tla nètèfatsoa ka tšoanelo. Le tseba seo Elia a neng a le sona; 'me le shebe taba eo, 'me lōna le—le tla tseba. 'Me etlare ha a . . . Joale, Mokhethoa o tla tseba.

<sup>51</sup> Ba bang che; ehlile ba ke ke ba e khona. Ba tla E fosa, ka milione oa limaele. Joaloka . . . Re fetile ho eona, ra supa kamoo ba fositseng Johanne, kamoo ba fositseng Elia, kamoo ba fositseng Jesu, kamoo ba ba fositseng bohle ho theoha joalo. 'Me ba tla etsa joalo, hobane Bibeletse e ba baletse joalo. Lea bona? Ka hona, mohlang oo, E tla be e ikokobelitse haholo. E tla be e nyatseha hakana. E tla . . . e tla etsa hore batho ba E koenehele. E nyatseha haholo ho bona. Rea fumana, 'me esale ho le joalo, enereha batho ba hlalefa 'me ba ruteha, 'me ba tseba ho feta tekano, ba mpa feela . . . Ke ona mofuta o e fosang, lea tseba. Lea bona?

<sup>52</sup> Jesu ha a eso khethe batho ba mohlalloe oo ho beoa (ebe) barutuo ba Hae. O nkile batho ba sa rutehang, boralihlapi, 'me ho se motho ea amanang le likereke tsa bona le lintho. A mpa a inkela banna ba paala, balekhetho, le boramapolasi, le boralihlapi, le ba joalo, ho phethisa mosebetsi oa Hae. Lea bona? Hobane, bao—bao ba itseba e se letho, 'me A ka ba fetola letho, lea bona. Hola feela ba ka lula ba itseba hore ha se letho, Molimo a ka sebetsa.

<sup>53</sup> Empa mohla ba qalang ba nahana hore ba tseba lethonyana, ke hona, “Mohla u sa tsebeng letho leo u tlamehang ho le tseba,” Bibeletse e rialo. 'Me ka hona, ha ho le joalo, re—re fumana taba eo.

<sup>54</sup> 'Me joale, rea fumana, ke hona, hoba liphiri tsena li tlameha ho senoloa.

<sup>55</sup> 'Me hobaneng banna ba bang bana, Wesley, Luthere, le bahlabolli ba baholo bao, ba rerileng tokafatso, khalaletso, mongoaha oa pentekosta ka kolobetso ea Moea o Halalelang le lintho, hobaneng ba sa ka ba tšoara Melaetsa ena—ena? Hobaneng ba sa ka ba E fumana? Hobane e ne e le bahlabolli. Lea bona?

<sup>56</sup> Ho joaloka, nkang lehlakore le leng, ho kile ha kena batho ba “fuoang matla a marena, feela e se marena.” Lea bona? Lea bona? U tlameha ho ela puo ea Bibeletse hloko ka eng le eng. Lea bona? Joale shebang. Empa, enoa, lebaka la lintlha tsohle tse lokotsehang tsena, tsa karolo e mohlolo ea tokafatso, karolo e mohlolo ea khalaletso, karolo e mohlolo ea kolobetso ea Moea o Halalelang. 'Me, khele, ebe ke mofuta ofe o ileng oa . . . Na ebe Eva o jele apole, kapa o jele garanata, kapa ho hong? Lea bona? Na ebe . . . Peō ea noha e ne e le eng? 'Me—'me na kolobetso ea lebitso la “Ntate, Mora, Moea o Halalelang,” kapa ea Lebitso la “Morena Jesu,” ho lokile efeng? 'Me, oh, ke makholo a lintho tseo, li silloe li leketla. Lea bona?



57 'Me mofa hora ea ho qetela, thaka lena le tla fihla le senole ntho eo, lea bona, ho nka Mangolo. E tla nêfefatsoa ka botlalo. Shebang. E, monghali. 'Me, joale, e ke ke ea eba ntho e khōlō, ea tonana joale. Ekare, mona kahara Bibe, e tla ba ntho ea tonana.

58 E ne e le khōlō hakae, mofa Johanne a loketseng ho theohela tlase mono ho kolobetsa! Nahanang feela joale. Baporofeta, morao, morao-rao koana, Esaia, Malakia, bao bohle ba buile ka eena, mofa a tla fihla. 'Me eitse ha a fihla, a le mong, a holile, mothaka ea sa rutehang, sefahleho sohle se le makhisa, le moriri o hlalabetse eka thithiboea, a itlamile ka letlalo la khale la nku; a se na thuto ea letho, a eso kene sekolo letsatsi bophelong ba hae, kamoo re tsebang. Lea bona? Ke enoa a fihla, a tsoa feelleng, a sa ka a amoheloa sefaleng, eaba o ema mono holima noka ea Jordane a qala a hlabela batho mokhosi oa pako. Na le ka nahana!

59 Bibe e boletse, ea re, "E tla ba ntho e khōlō ka letsatsi leo, linqalo tse litutulu li tla batalatsoa, le linqalo tsohle tse kokobetseng li tla phahamisoa." E, monghali. "Ho latsoe linqalo tse makukuno."

60 Khele, ekare kea ba bona kantle mona, ba hopotse Johanne a tla tsoa, kapa moetellipele enoa e moholo oa Krete, 'me o tla phothoma lehoatata lohle a le batalatse, a boele a le jale joang. Lea bona? Oh, bao, kea kholoa keha bohle ba e hlophisitse, joaloka ha ba etsa kajeno.

61 Empa, e ne e ikokobelitse haholo, esitile le baapostola ba e fositse. Ba itse, "Be, horeng Mangolo a rialo, haeba e . . . Hona joale U nyolohela koana ho neheloa? Horeng Lengolo le re—le re Elia eka khona a tle pele?"

62 A re, "O se a tlile, 'me ha lea ka la tseba. 'Me, Mora motho, ba tla mo etsa joalo le eena. Empa, Johanne," A re, "o entse sohle se lekantsoeng ka eena. 'Me ba mo entse kamoo ho neng ho ba loketse. 'Me," ha thoe, "le Mora motho o tla hlokoatsoa joalo."

63 Khele, ha ho a fumanoa, kea kholoa, 'ngoe-tharōng hara morabe ohle oa Bajuda e tsebileng hore Jesu Krete o holima lefatše. Ha ho a . . . Ekaba ba utloetse ka lehlanya la mofuta tlase mono nqa e 'ngoe, empa ha ba ka ba e tsotella, ba tsoelapele feela. "O tlile ho ba Habo ka Sebele, 'me ba Habo ka Sebele ha ba ka ba Mo amohela." Joale, ke hona moo ke lumelang esita . . . Joale, ha ho a thoe O tla fihla ka sephiri.

64 Empa Hloibilo e tla be e le sephiri. Ka hona haeba ebile sephiri se se kaalo, mofa A ne a fihla, ebe Hloibilo eona e ke ke ea tsejoa hakakang! Lea bona? Ba ke ke ba e tseba. Ba tla bua ba re, "Be, ke itse re ne re loketse ho fumana Hloibilo. Ebe kahlole ena eohle e holima lefatše ke eang?"

65 O tla re, "E se e tlile, athe ha lea e tseba." Lea bona? E tla hlaha, joaloka lesholu bosiu.

<sup>66</sup> Joaloka e—e buka eo ke e balileng, ka mohla o mong. E bitsoang? Romeo le Juliet, e ne e le eona, kapa ntho e 'ngoe? Eaba eëna, o tšetleha lere pela lerako, ka mokhoa o itseng. Ke leb- . . . Ke khale haholo. 'Me a fihla, a inkela o hae. . . ho mo thobisa nakong ea bosiu.

<sup>67</sup> Joale, ho tla ba—ho tla ba joalo, 'me ho tla be ho felile. Ha se eona, ba ke ke ba theola sehlopha sa Mangeloi, se kokositseng ligarafu tsa mofuta, 'me se epolla mabitla. Biblele e itse, “Re tla fetoha, ka potlako e fetang ea ho panya ha leihlo la hao.” Ke ho tšoelima feela, ho tla be ho felile, ka potlako e kaalo.

Ho tla thoe feela, “Motho o nyametse.”

<sup>68</sup> Be, kea kholoa ha re ka batla lefatšeng kaofela, kajeno, ho nyametse batho ba makholo a mahlano lefatšeng letsatsi ka leng, lea bona, ha ba tsebe letho ka eona. Ho fumanoa, ba nyametse feela.

Be, Hloibilong eo ho ke ke ha kena ba bangata.

<sup>69</sup> Joale, ha ke batle ho le harola letsoalo, 'me ke—'me ha ke—ke—ke—ke hopole ho le joalo, ke mpa ke batla ho le bolella seo A se buileng. 'Me le lōna, lea tseba. “Joaloka matsatsing a Nohe, moo ho bolokehileng meea e robeli ka metsi. Meea e robeli lefatšeng, e bolokehile ka metsi.”

<sup>70</sup> Be, u re, “Oh, khili! Ho leka ha ho thuse.” U itšupa u se na mofuta oa tumelo eo u e hlokang.

<sup>71</sup> Haeba feela ho tla—ho tla le a le mong, e tla ba 'na, amen, hobane kea lumela. Lea bona? U batla ho e lumela joalo, lea bona, “E be 'na.” Ehlile. Ke batla ho phela haufi le Eëna, hoo ke tsebang A tla nkuka mohla A tlang. Kea e lumela. Ke hantle. Ka baka leo haeba . . . Haeba mang le mang a e fosa, 'na ke tla ba teng, ka mohau oa Hae. Hobane, O ntšepisitse hoo, 'me kea tseba hore ke tla—ke tla ba teng mono, hobane A ke ke a etsa leshano. 'Me kea tseba moea oa ka le bophelo baka lia paka, 'me ke leka ho phela letsatsi ka leng eka hoja O a tla, ka hona e tla—e tla—e tla—e tla ba 'na eo. U batla ho ikutloa joalo, “Haeba ho tla ba le ba robeli, ke tla ba e mong oa bao ba robeli; ho tla ba le makholo a mahlano, ke tla ba e mong oa bao ba makholo a mahlano. Ha ke tsebe thaka le leng, empa ke batla ho ba e mong oa bao ba makholo a mahlano.” Lea bona? U batla ho hopola joalo. Lea bona?

<sup>72</sup> 'Me haeba u sa e hopole joalo, phoso e teng ka tumelo ea hao. Lea bona? Ha u eso khohlisehe hoba u bolokehile, ke hona. U mpa u hakanya feela. U se ke ua etsa joalo. Ho lokile.

<sup>73</sup> Ha re sa tla kena Tiisong ena, ha ke re? Ho lokile. Ke batla, hore bosiu bo bong le bo bong. . . Ha ke tsebe haeba le tsotella ha ke nka nako ea lōna. Re ka tsoa pejana ho nako. Ha ho le le kaalo. . .

<sup>74</sup> Tšenolong ea lintho tsena, ea Litiiso tsena, hopolang, ehlile ke temana e le 'ngoe feela. Ea pele, ke tsebiso ea eona,

temana ea 2. Ho latela litlhakisetso tse ngata, le lintho tse joalo, bongata ba tsona, kapa—kapa boholo ba mehopolo ea bona, 'me esale—'me esale ke lumela nka re joaloka bona bohle, ha ho thoe mokalli eo oa pere ea pele e ne e le—e ne e le kereke ea ho qala. Empa eitseha Moea o Halalelang o e senola, keha e le khahlano le hoo. 'Me ka hona, seo e se etsang feela, ke ho bontša seo e leng sona. 'Me hape ke leka . . .

<sup>75</sup> Joale, ho 'na, sena se hlile se khethehile. Ke ka hona nka mpang ka arabela lipotso tsena. 'Me re lumelle, mang le mang ho tseba ka kotloloho, le liteiping, hape, ho utloisisa joale. Lea bona? Ke lekile ho bua nakoana, bosiu, ho tšehetsa, ho thusa batho . . .

<sup>76</sup> Ha u kena u potlakile 'me u hatella, 'me, ha u a tšoanela ho etsa joalo. Lea bona? Empa, ha e etsoa joalo, bao ke batho. 'Me ho a chesa ka—ka mona, 'me u—'me u a tsilatsila.

<sup>77</sup> Empa le bile mosa, mosa haholo. Boitšoaro bo fetisang boo nkileng ka bo bona bathong, kahara tabernakele, ebile ka kopanong ena; le lutse le khutsitse, le bommè ba isa masea a bone phaposing ea masea ha ba qala ba lla. 'Me tsohle li tsamaile ka thello.

<sup>78</sup> Empa ke leka ho e hahela motheo ho fihlela feela ke utloa tlolo ea Moea holima ka, ho bua Mantsoe ana, ho bua seo ke se senoletsoeng. Me haeba ke entse, nqa e 'ngoe, ka ho etsa joalo, haeba ke entse phoso mona, ruri mona ka pela batho O tla ntokisetsa eona. Ke—kea e batla. Ke—ke. . . Ke E batla e lokile. Ha u hloke ho nka seo u se nahanang feela. Ntho e lokileng e teng, 'me—'me re batla Hoo. Re batla Molimo a re fe se lokileng.

<sup>79</sup> Eaba re tšoara sena, bakalli bana, ha ba ntse ba nyoloha. Pere ea pele, joale, 'me re lemohile hoba e—e ne e le antikreste ea tsoileng. 'Me eaba rea fumana, bosiu bo fetileng, hore lona thaka le tsoileng joaloka antikreste, joaloka pere e tšoeu, re mo fumane a tšoere lerumo, bosiu bo fetileng, a kaletse, 'me a bolaea batho.

<sup>80</sup> Joale, joale, kamehla ho fumanoa ntho ea tlhaho le ea moea. 'Me molemong oa Kereke, ke batla ho e bapisa, pele re finyella manollo ea Tiiso ena.

<sup>81</sup> Etsoe, seo A mphileng sona, ke se ngotse fatše mona. Ke tšoere Mangolo a 'moaloa mona, maqhepe a supileng kapa a robeli, 'me ha ke ntse ke lebisa ho eona.

<sup>82</sup> Lemohang, ke batla ho tšoantšisa, Kereke, 'me ke e totobatse hoo le tlang ho tlameha ho e bona. Lea bona?

<sup>83</sup> Joale, serapeng sa Edene ho fumanoe monyaluoa oa tlhaho. Le sa hopola bosiu bo fetileng? Monyaluoa eo oa tlhaho, e le moratuoa oa Adama, e-so be mohatsa'e, kaha a e-so mo tsebe joaloka mohatsa'e.

<sup>84</sup> Joaloka Maria e beng e le mohatsa Josefa, feela a e-so mo tsebe. “A tšoha a emotse ngoana.” Lea bona?

<sup>85</sup> Joale, le pele Adama a tseba mohatsa’e, e ne e le monyaluoa oa hae feela. Ke hantle. ’Me re fumana hoba Molimo. . . Eèna, o oele serapeng sa Edene kahobane a sitiloe ho tiisetša Lentsoe la Molimo.

<sup>86</sup> Joale, O tsebile hoba Satane o tla lokolloa hara bona, eaba O ba fa e—e nqalo ea polokeho; ho etsetsoa qhobosheane. Be, mono, ke mang ea tsebileng sebaka se fetisang ho etsetsoa qhobosheane, ho feta Molimo, haeba A leka ho baballa bana ba Hae ka sebele?

<sup>87</sup> Hola ke batlile ho baballa Joseph oa ka e monyenyanane, be, moena, ntho efe le efe. . . ’Me haeba ke tsebile bophelo ba hae bo itšetlehile ho eona, khele, ke ne ke tla. . . ’me ke khona ho e etsa. Be, haeba e le konkreeti ea maoto a mashome a mane, e natlafalitsoeng, ekaba—ekaba ntho e sebetsang, eo ke. . . Nka e atolosa ka maoto a mashome a robong, ho kholiseha, ntho eo.

<sup>88</sup> ’Me haeba ke nahana joalo ka moshanyana oa ka, (mono, haeba ho ka lahleha bophelo ba hae ba nama, ’me ke lumela hore ngoana o tla bolokeha,) ha kakang, ho Molimo, ho ngoana Hae ea ka timelang ka Bosafeleng! Ebe O tlameha ho mo pata ka mora eng? O mo patile ka mora Lentsoe la Hae ka Sebele. Ha u itullela kahara Lentsoe leo feela, u bolokehile. “Ekare ha le lula ho ’Na, le Mantsoe a Ka a lula ka ho lōna, le ka kopa seo le se batlang.” Ke eona, Lentsoe.

<sup>89</sup> Ka baka leo, eaba Eva o ntse a itsama-tsamaela serapeng, eaba o kopana le sepente, mothaka ea bentsitsoeng haholo. ’Me a. . . ’Me eaba o qala. . . Joale, o ne a le ka mose oane. Molimo o phela, o ahile, o sebetsa ka boikokobetso, le ka mohla e seng ka mokhoa osele. Lea bona? Joale, mothoana eo, keha leleiti le ithobileng leo le itsamaela mono, ’me Satane o fihla e le ramasene, oa thellanyane, mothaka ea bentsitsoeng. ’Me a batla ho mo rekisetša lenaneo. Ha feela. . .

<sup>90</sup> Ho sa tsotelehe na Satane o mongata hakae; ha feela a potsetse ka mora Lentsoe lena, o ne a itoketse. [Moena Branham o phathatsa Bible ea hae—Mong.] Lea bona? Ka baka leo, e re Satane a etse seo a se batlang; tsepama le Lentsoe feela. Ha e etse phapang ea letho.

Haeba a re, “Khele, u a kula.”

“Ke folisitsoe ka metopa ea Hae.”

“Be, u tlil’o shoa.”

“U tla ntsosa hape. O e tšepisitse.”

<sup>91</sup> Lea bona, lula ka mora Lentsoe feela. Ke phetho. Kreste o ile a khutlela Lentsoeng, ka sebele sa Hae. “Ho ngoliloe ho thoe.” Lea bona? Joale, lula ka mora Lentsoe.

<sup>92</sup> Empa, Eva, a qala a batla a e lahla, feela a se ke a e lahla eohle. A mpa a lahla poleloana e le 'ngoe. 'Me e le sona seo Satane a batlileng hoba a se etse. O mo hotolotse ka mora pallo ea Molimo, ka ho bea mabaka.

U se ke ua leka ho beela Lentsoe la Molimo mabaka. U Le lumele feela! Lea bona?

<sup>93</sup> Ka hona, eaba o hata a etsoa Mono. 'Me le pele Adama a fihla ho eèna, joaloka mohatsa'e, keha a se a silafalitsoe ke Satane. 'Me a . . .

<sup>94</sup> 'Me na le eleletsoe? Kreste o entse hona hoo, ka nèpahalo. Joale, bakeng sa topollo, Molimo oa tlameha ho fihla mono pele. Na le eleletsoe? Maria, le pele a etla ho Josefa, keha Moea o Halalelang o se o fihlile. Amen. Lea bona? Molopolli o hlaha hona moo.

<sup>95</sup> Joale, lemohang joale, mosali oa tlhaho o sitiloe, 'me Molimo o mo etselitse tsela ea ho lopolloa. Leha koana a tlotse, O entse tsela.

<sup>96</sup> Joale, e ne e le monyaluoa oa pele lefatšeng, ea tlotseng, le pele eèna le molekane oa hae ba nyalana. O oele, ka—ka baka la—la ho bea mabaka, sebakeng sa ho tsepama le Lentsoe. O ile a tlola. 'Me o oetse lefung, karohaho ea Bosafeleng. 'Moho le eèna, a sheshena molekane oa hae le sohle se neng se le holima lefatše. O ile a oa!

<sup>97</sup> Joale, empa, Molimo, morui oa mohau, oa betla tsela ea ho lopolla mosali eo. 'Me joale O mo tšepisitse, oa 'molella hoba neng-neng, mehleng e tlang, Lentsoe la mannete le tla khutlela ho eèna hape. Lentsoe la mannete le tla tsebisoa eèna. Joale le hopole taba eo. Hobane, O tšepisitse Kreste, ka mosali.

<sup>98</sup> 'Me Kreste ke Lentsoe. Ho Santa Johanne 1, "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama," lea bona, "me la aha le rōna." Molimo oa aha le rōna ka nama. E ne e le Lentsoe.

<sup>99</sup> Pele ho Lentsoe, ke mohopolo. 'Me mohopolo o tlameha ho boptjoa. Ke hantle. Ka baka leo, mehopolo ea Molimo e fetohile popo mohla e ne e boleloa, ka Lentsoe. Ke mohla A neng a e hlaha ho—ho uena joaloka mohopolo, mohopolo oa Hae, 'me o senoleloa uena. Ka hona, e sa ntse e le mohopolo ho fihlela *u* e bua. Ke ka baka leo. . .

<sup>100</sup> Moshe o ne a tlohe ho ea rapela. A teetsoe hare ke Topallo ea Mollo, 'me O itse, "Tloha, u otlololele thupa ea hao nqa bochabela, u bolele, bitsa 'lintsintsi.'"

<sup>101</sup> Lintsintsi ha li eo. Empa a tloha a otlollela thupa mono, le ho re, "Lintsintsi li be teng." Ha ho lintsi, le joale. A khutla. Empa mantsoe, mohopolo oa Molimo, o se o boletsoe. Ke lentsoe, joale o tlameha ho etsahala.

102 Joale na ha le bone moo Jesu a buileng? “Ha u ka re ho thaba ena; e seng ha Nka e bua. Empa *u* re ho thaba ena, ‘Sutha.’”

103 'Me ntho ea pele, kea kholoa, nakong ea Moshe, ntsintsi ea khale e tala ea qala ea bobola e likoloha. 'Me, ka mora nakoana, keha li phaellane lipondo tse hlano ka tekano ea jarete. Lea bona? Li ne li tsoa kae? Eèna. . . Molimo o li bopile. Na ha le bone kamoo. . .

104 Molimo o ka timetsa lefatše lena bosiueng bona, ka—ka lignats, haeba A batla. Be, A ka qhobella lignats ho fihla koana khoeling. Ntho eo A ka e etsang feela ke ho re feela, “Lignats li bokellane, ho fihla khoeling.” E tla be e le phetho ka eona. Ha ho lik'hemikale kapa le letho, li tla lula li hola, li hola, li hola joalo. Lea bona?

105 A ka etsa seo A se batlang. Ke Molimo, 'Mopi. Ntho feela ke ho e bua. [Moena Branham o thanya monoana oa hae hang—Mong.] Ke hantle. Ke 'Mopi. Joale, hola feela re ka ellelloa boholo ba Hae! Lea bona? O etsa feela seo A se lakatsang.

106 O lutse holimo mane 'me o sheba batho, le barupelli ba banyenyane bana, ba itlantlang, 'me, “Molimo ha o eo,” le—le eng le eng. Huh! Khele, ba itšoanela le mane Babele feela, hape. Babele, ke rialo.

107 Joale re ellelloa hobane Molimo a boletse Eva, ho re, “Ka mora nako e telele hakana, Lentsoe le khutlela ho uena.” Joale, o oele joang? Ke batla tlelase ea ka e rialo. O oele hokae? Eva o oele hokae? Lentsoe. Na ho joalo? [Phutheho e re, “Lentsoe.”—Mong.] Lentsoe. 'Me Molimo o boletse O tla boela o etsa tsela ho mo lopollela Lentsoeng hape. Ho lokile. Ka mora nako e telele hakaalo, Lentsoe le tla boela le tsebisoa eèna. Ho lokile. Lentsoe le tla tlela morero o le mong joale. Tiisetša ka thata joale, seo ke se buang. Lentsoe le tla mo tlela ka morero o le mong, bakeng sa topollo. Ho lokile.

108 Empa, ho fihlela—ho fihlela lekhatheng leo, o ne a tšoere phapanyetso e tla—e tla sebetsa ho be ho fihle nako ea Lentsoe la mantlha. Joale le—le utloisisa ka ho hlaka? [Phutheho e re, “Amen.”—Mong.] Lea bona? O 'moleletse hore Lentsoe le tla tla ho eèna hape, empa, ho fihlela nakong eo, A mo nea phapanyetso ho be ho fihle nako eo. Ka hona, O mo file ho etsa nyehelo, phapanyetso ea Mali ao.

109 Joale, mali e le a lipoho le linku, le lipōli le lintho, empa ha a ka a tlosa sebe sa hae. Lea bona? A mpa a koahela sebe sa hae. Ha a ka a se tlosa, ho hang. A se koahetse. Hoba, e ne e le mali a phoofolo, 'me kahara mali a phoofolo ho ahile bophelo ba phoofolo. E ne e le phapanyetso ho fihlela ntho e sebele. . . Joale le apare lik'houtu tsa lōna.

110 Mali a sebele, a motho, ka mokhoa oa batho, a ile a aha nameng (Molimo); ntle le bong, moroetsana, tsoalo ea

moroetsana e hlalositse hoo. Joale Lentsoe la Molimo, pallo, la fetoha Mali, la aha nameng ka Botho ba Jesu Kreste Mopholosi. “Mali a lipoho le a lipōli, le lintho tse joalo. . .”

111 Empa joale beang butle. Mona Molimo o entse tšepiso, oa re e tla hlaha mohla E fihlileng, “Peō ea hae e tla khoba sepente hlooho.” Joale, hola peō ea hae e tllile joaloka ha e tsoile ho Adama, kapa joaloka ha e tsoile ho sepente, le lintho tse joalo, ekabe’ba ke peō e tletseng sebe.

112 Ke ka hona Johanne a lllileng. Keha ho se motho, hobane ha ho motho. . . Mang le mang o ne a tšetse, a le mose oane oa sekoti, khohlo. Empa nako ea tla eo ka eona phapanyetso ena ea mali a phoofolo e tla felisoa, mohla ntho ea sebele, Mali a entsoeng nama a tla fihla; Molimo, o entsoeng nama le Mali. Biblele e Mo boletse joalo. Timothea oa Pele 3:16, “Ruri sephiri sa bomolimo se sehoho: hoba Molimo o bonahetse nameng.” Ke hantle. Tsoalo ea moroetsana e phethile hona.

113 Joale, mali a linku le a lipōli a koahetse sebe, empa ha a ka a se felisa, kaha e ne e le mali a phoofolo. Empa a ne a tla itokela, e ne e tla ba phapanyetso.

114 ’Me ba hla—ba hla ba tloaela phapanyetso eo, ’me ba tsoella joalo le joalo.

115 ’Me, mohla, ntho ea sebele, Lentsoe la pallo le ne le bonahatsoa ka ho Jesu Kreste, Ea ipakileng e le Mora oa ’Mopi e moholo, Molimo; ’me a nêtefatsoa, ka sebele sa Hae, e le Lentsoe le phelang la Molimo. Shuu! Khili! O pakile hore O ne a le joalo. O khonne ho bopa lintho ka polelo.

116 Ha ho motho, kapa—kapa le letho lefatšeng, le ka etsang joalo. Ha ho letho le ka bopang lefatšeng, ntle le Molimo. Diabolosi a ke ke a bopa. Ke mokhapamisi oa se bopiloeng, empa a ke ke a bopa. Sebe ke ho loka ho khopamisitsoeng feela. Le tseba seo ke se bolelang. Leshano keng? Ke ’nete e hlalosoang ka phoso. Lea bona? Bofebe keng? Khopamiso ea ketso e lokileng e molaong. Ntho efe le efe e sebeng, sebe ke ’Nete e khopamisitsoeng feela. Joale, o ne a ka sitoa ho bopa.

117 Empa mohla Kreste a tlileng, o pakile hoba E ne e le ’Mopi. Ke ao Mali a neng a tšepisitsoe. Joale haeba u batla ho e bala, u. . . Ha re phetleng motsotso feela. Re tla nka nako tabeng ena, le hona, bosiueng bona. Ke. . .

118 E a mpherekanya. Ekare motho e mong le e mong oa batla ho ea hae, lea tseba. ’Me ka hona ke e. . . [Phutheho e re, “Che.”—Mong.] Joale ha re fumaneng Liketso 2. Kea le leboha. ’Me re tla feela. . .

119 Liketso 2, ’me re tla fumana haeba e lokile, kapa che, haeba A supilo e le Molimo. Ho lokile. Fumanang Liketso 2. Joale ha re feteleng mona ho temana ea 22, ke Petrose ea buang, ka Letsatsi la Pentekosta.

*Banna ba Iseraele, utloang taba tsena; Jesu oa Nazaretha, monna eo le mo supisits'oeng ke Molimo ka liketso tse matla. . . meeka le mohlolo, eo Molimo a e entseng ka eèna hara lōna, lōna joalo- . . . lō- . . . lōna le tseba le lōna:*

120 “Monna ea supiloeng, e le Molimo hara lōna.” Ka tsona lintho tseo A li entseng, o supiloe hoba E ne e le eèna. Petrose ke enoa, o eme pela Sanhedrine, a ba bolella.

121 Nikodema le eèna o e tsebile. O itse, “Rabbi, bohle rea tseba U moruti ea tsoang ho Molimo, hoba ho se motho ea ka etsang lintho tsena A sa tsoe ho Molimo.” Lea bona? Ba e tsebile. Empa hobaneng?

122 Joale shebang. Joale, Eva o ne a tšepisitsoe sena. Empa eareha. . . Monyaluoa eo o ile a theoha, 'me a hana, mohla Lentsoe la sebele le ne le etla ho eèna. Le joalo, mosali o hanne ho hlompha; monyaluoa oa Moheberu. Hoba, e ne e le monyaluoa oa—oa Molimo; O ile a mo lahla, hlalong. Na ho lokile? E ne e le monyaluoa oa Molimo.

123 U re, “Be, ba ne ba eso nyalane.” Ke hantle. Empa Josefa o ne a lahle Maria le pele. . . O ne a tla lahla Maria le pele ba nyalana. Lea bona? O ne a lebelelitsoe ke eèna.

124 'Me eitseha A fihla, 'me Lentsoe leo A le tšepisitseng, le tlelang lenyalo, O mo fihletse a thatetsoe ke liphapanyetso tsa hae, hampe hakana, hoo a hanneng ho nka tšepiso ea sebele e neng e entsoe, Lentsoe, Kreste.

125 Koana ekare ha le e tšoare. Ntumelleng ke e phethe hape. Ke batla hore le tšoare sena, lea bona.

126 O ne a tšepisoe, (monyaluoa, Eva), ho ba Molopolli. Molopolli oa hae e tla ba Lentsoe. 'Me eitseha Lentsoe le fihla, le entsoe nama, o Le hanne. O ne a filoe liphapanyetso. Joale tšoarang hoo, “phapanyetso.” Ho fuoa liphapanyetso ho tsoela pele, ho be ho fihle Molopolli. 'Me eitseha Molopolli a fihla, a ipatlela ho tsoelapele ka phapanyetso ea hae, 'me a hanela Lentsoe la mannete. Lea e bona? [Phutheho e re, “Amen.”—Mong.] 'Me eo e ne e le monyaluoa oa Moheberu.

127 O entse joalo le Eèna, ka Eva oa bobeli, monyaluoa, 'm'a bohle ba phelang ka moea. Lea bona? *Eva* e bolela “'m'a bohle,” bao ke ba semo- . . . “bohle ba phelang.” *Eva*, “'m'a bohle ba phelang.”

128 Joale, 'me mohla A ne a tla ho monyaluoa oa Moheberu, e ne e le 'm'a bohle ba neng ba phela, empa o E hanne.

129 Eva oa tlhaho o oele, Edene, ka ho mamela mabaka a Satane khahlalo le Lentsoe la Molimo. O oele joalo. Ke hantle, monghali. O oele kahobane a entse hoo.

130 Eva oa moea, joale, eo ke kereke, monyaluoa oa Kreste. O oele, e seng Edene, empa Roma, lea bona, mane Nicaea



Council, mohla a ne a latola, kereke eo ea Pentekosta, e ileng ea theohela Nicaea, 'me ea mamela mabaka a Roma, sebakeng sa ho itšoarella ka Lentsoe, e ile ea khehlemana. 'Me ntho efe le efe e tsoang ho eèna, e shoele le eèna, e mo teetseng hare. Joale, joalokaha Eva oa tlhaho a oele, Eva oa moea o oele joalo. Monyaluoa oa Molimo o oele—oele serapeng; Monyaluoa oa Krete o oele Roma. Lea bona?

<sup>131</sup> Lemohang, ka oona mabaka ao, khahlano le Lentsoe la Molimo, o ile a tēla litokelo tsa bohloeki ba hae, ho Satane. Etsoe, re fumane manollong ea Litiiso tsena, hore eo e ne e le Satane, le mono esale Satane. Bibe le itse ke sona setulo sa Satane. 'Me joalokaha Eva a tēse litokelo tsa bohloeki ba hae—ba hae, a li nehetse Satane, serapeng sa Edene; kereke, monyaluoa oa Krete, o entse hona hoo mane Roma, mohla ba tēlang Bibe le ba e ananya ka litšomo le ka ho beha mabaka. Na le bona kamoo e bapisoang kateng? [Phutheho e re, “Amen.”—Mong.]

<sup>132</sup> Ha u bapisa lipapiso tseo feela, u tlamehile ho tsoa hantle. Haeba letsoho la ka le tšoana. . . Haeba ke eso ipone le ka mohla, 'me ke bona seriti sa ka se atamela, ke tla tseba kamoo ke batlang ke shebeha kateng. Lea bona? Empa, ho joalo. Ha u batla ho bona se tlang, sheba se kileng sa ba teng. “Hoba e. . . lintho tsohle tsa mehleng e ne e le liriti tsa lintho tse tlang tla,” Bibe le itsalo. Ho lokile.

<sup>133</sup> Hoba, o nyahlalitse Lentsoe la hae le hloekileng, Lentsoe la Molimo, mohla a ne a rekisa Bibe le, a hloma monna mono ea reng kereke e ruile matla a ho fetola sohle seo ba batlang ho se fetola. 'Me ba se entse. 'Me monyaluoa oa Krete, monyaluoa oa mopentekosta, o rekisitse bohloeki ba hae, mane Nicaea, kamoo le eèna Eva a rekileng ka bohloeki ba hae ho Satane serapeng sa Edene. Ke nēpo. Ho lokile.

<sup>134</sup> Molimo o tšepisitse; kereke ena, kereke ena ea pentekosta, ka ho tseba hore e tla etsa hoo; kamoo A entseng ho Eva, Molimo o tšepisitse.

<sup>135</sup> Kereke ea pentekosta, na lea lumela e rekisitse ka litšoanelo tsa tsoalo ea eona, pele. . . bohloeki ba eona, mohla a ne a tloha mono? Le lumela seo? [Phutheho e re, Amen.”—Mong.] Eèna, ehlile, o entse joalo. Ha ho le joalo ebe tumeloana e thusang, ha e sa theoa holima Bibe le ena? Ke batla motho a mphumanele ho bitsoang Tumelo ea Baapostola, kapa esita le lentsoe le le leng la eona kahara Bibe le. Eo ke tumeloana ea Katolike, ha se tumelo ea baapostola.

<sup>136</sup> Balang Liketso 2:38, ke eona Tumelo ea baapostola, haeba A e tšoere. Yaa. Lea bona? Joale, esale ba e sebelisa ka linako tsohle, le hona. Ka baka leo haeba u. . . Lea bona?

<sup>137</sup> Ka baka leo, ba rekisitse ka litšoanelo tsa tsoalo ea bona. Ha se hoo feela, Bamethodise, Mabaptise, Presbeteriene, Mapentekosta, kaofela ha bona, ba entse ka ho tšoana. E bopile

mokhatlo oa bolumeli. Roma, e etsisitsoe keng joalo, e ipopetse mokhatlo oa bolumeli 'me e beile monna ho ba hlooho ea eona. 'Me Bamethodise, Mabaptise, Mapentekosta le e mong le e mong, ba entse hona hoo, ba hlomme sehlopha sa banna hloohong ea eona. Ho sa tsotelehe seo Molimo a se buang, bao. . . U tlameha ho e sebetsa ho latela kamoo e bolelang hore e etsoe.

138 Be, ke eng? Hase letho lefatšeng ntle le bohloa ba moea, mosali oa mofuta o phoso; e, monghali, litumeloana, litumeloana tse leshano, tse entsoeng ke motho. Ha ho le joalo o fetohile, mohla a ne a etsa seo. . . Joale ke tla se paka. O fetohile seotsoa, ho Molimo. Lea lumela Bible e rialo? E, monghali. Barali ba sona ba entse hona hoo.

139 Joale ho Tšenolo 17, ha u batla ho e tšoa. Johanne o ne a hapuo ka Moea, "Eaba o bona seotsoa se sehlo se lutse holima. . ." 'Me re e balile maobane bosiu. 'Me maralla a supileng ke ao, le seo a se entseng hantle. 'Me o ne a neile lefatše bohloa ba hae bo litšila. Na ho joalo? "'Me marena ohle a lefatše a febile le eèna," ho qhekanyetsa, le ho utsoa, le ho etsa leshano, le ho lefella pako, le—le linovena, le ntho efe esele.

140 Be, joale hopolang, o ne a e na le barali. Be, haeba a fetohile 'mele, 'me a le tlasa tsamaiso ea mokhatlo, e tla ba tsamaiso eohle e fosahetse. 'Me haeba Eva, ka ho se mamele Molimo, a lihetse tsohle lefung, tse tlasa hae; le kereke efe le efe e hlophisang, e lihela tsohle lefung, tse tlasa eona. Ka nèpo. Ntho eohle e febile. Ke hantle ho latela Lentsoe mona. Balang Tšenolo 17. 'Me Bible e itse O tla "mo chesa ka mollo, le bana ba hae 'moho le eèna." Ke hantle. Hoo ho bolela hore, tsamaiso efe le efe ea mokhatlo e tla chesoa, 'moho le seotsoa.

141 Joale, ekare e bataletse, 'me kea—kea tseba hore le tla e utloela, 'me ke—ke batla ho utloa ka eona. 'Me ke—ke. . . Ke hantle, leha ho le joalo. Bible e boletse joalo, ka baka leo e nèpile.

142 O fetohile "seotsoa." U ka e bala ho Tšenolo, khaolo ea 17. Eèna, o entseng? O febile hangata, khahlano le Monna oa hae. "Be," u re, "che, eo ke Bible." Lentsoe ke Molimo. 'Me haeba u nka ntho e le 'ngoe. . .

143 Na u batla ha mosali oa hao a aka monna e mong? Leha a sa etse ho fetang hoo, u ke ke ua batla hoba a e etse. Ekabe'ba o supa ho hloka botšepahi ha hae.

144 "Ekare ha e mong a fokotsa Lentsoe le le leng ho Eona, kapa a eketsa le le leng ho Eona." Allelua! Krete o batla Mohatsa oa Hae a hloekile ka Lentsoe. [Moena Branham o kokota hane sefaleng—Mong.] Ke kamoo A tšoanelang ho ba kateng.

145 Hoba, ho se letho, ha ho tot e le e 'ngoe, kapa jittle, kapa ntho efe, kapa tittle, ea molao e tlang ho feta, kapa ho tlosoa Bukeng eo, pele E phethisoa eohle. Jesu o itse, "Maholimō le lefatše li tla feta, empa Lentsoe la Ka le ke ke la feta."

146 U se ke ua itlhalosetsa Lona. O batla bohloeki, bo sa silafalang, bo se nang le ho bonya feela. Nke ke ka batla mohatsa ka a bonya le monna e mong. 'Me ha u tloha u mamela mabaka a mofuta ofe, ka nqane ho Lona, u ntse u mametse, u ntse u bonya le Satane. Amen! Na ha e u phophomise borapeli? [Phutheho e re, "Amen."—Mong.] Molimo o batla hore u lule o sa silafala. Tsepama hantle mono le Lentsoe leo. Lula hantle le Lona. Ho lokile.

147 Molimo o mo tšepisitse, joalokaha A entse ho Eva serapeng sa Edene, ho Eva enoa oa ho qetela mona. Etsoe, kereke ea pentekosta, qalo ea kereke, kereke bo-eona, ke 'm'a batho bohle ba phelang, hobane, haeba ba kena ka mono. Empa, lea bona, haeba ba nka libe tsa hae, ba shoa 'moho le eèna.

148 Mothoana e monyenyanane ke enoa a etla. O re, "Ke—ke batla ho sebeletsa Molimo."

149 Ba re, "Be, u etse tjena. Theohela mono 'me u bake."

"Ho lokile, ke tla etsa joalo. Khanya ho Molimo!" Ho theohela mono, ho baka.

150 "Joale tloo ingolise le rōna." Mono, ke lōna bao. Uh-huh. Lea bona? Ke eona. Huh! Ke hantle, ho shoa le eona hantle. Lea bona? Lea bona? Eo feela ke... Ke sona se rutoang ke Buka ena, lea bona, hase seo ke se buang. Hobane, E bua Mona, joalo. Ho lokile.

151 Joale, Molimo o mo tšepisitse, joalokaha A entse ho Eva. O boletse Eva hoba ho tla fihla nako eo ka eona e—e Lentsoe le tla khutlela ho eèna hape. Joale na le sa e hopola? Seo a lahlehetsoeng ke sona, se tla khutlisetsoa. Hobane, e 'ngoe feela Ntho e ka khutlisetsang, 'me eona ke Lentsoe. Ka tšoanelo.

152 Ke buile, ka ho thunya sethunya; ha u sa otle sekhopi, u fumane moo se fapohileng. U tlameha ho khutlela morao mono u qale bocha. Lea bona?

153 'Me haeba u khutla, u khutlela Nicaea. Ke hona moo u qalang teng, lea bona. Khutlela morao, hole le mekhatlo eo, hole le kereke eo eohle. Re bone Litiiso tsena ka ho phethahala feela.

154 Esale ke ipotsitse, bophelo ba ka bohle, lebaka la ka ho ema khahlano le litsamaiso tsena tsa mokhatlo. E seng batho, che. Batho ba itšoanela le 'na kapa uena, kapa mang le mang. Empa tsamaiso eo, tsamaiso eo ea mokhatlo oa bolumeli, joale ke e bona hantle mona. Esale ke sa e tsebe ho fihla joale. 'Me ke eona hantle.

155 Molimo o tšepisitse Eva enoa oa moea, eona ntho eo A e baletseng Eva oa tlhaho, ha thoe Lentsoe le tla boela le khutlisetsoa ho eèna. Matsatsing a qetelo O tla khutlisetsa ho Kereke, Lentsoeng la mantlha hape.

156 Joale elang hloko ruri. Ke—ke batla le kholisehe joale. Molimo o tšepisitse Eva, nako e tla fihla eo Lentsoe le tla

khutlisoa ke Peō ea hae. Lentsoe, ka Seqo, le tla fetoha Peō. 'Me eitseha ba mo nea phapanyetso, o ile a itšoarella ka phapanyetso eo. Eareha Lentsoe le tla ho eèna, a etsa'ng? "Ha ke Le batle." Keha Le ikokobelitse haholo. Ha e shebahale hantle, ho eèna. Keha e sa bentšoa ho lekana. "Setala? Oh, khili! Khili! Le hona Mothaka ea kang eo, ea sa qetang le letsatsi kahara sekolo? Be, nke ke ka amohela Hoo. Hase Messia oa letho. Mothaka ea lumellang mathaka a mang ho Mo rahaka joalo, 'me E bitsoa 'Messia'? Ho ba lumella ho Mo sira sefahleho ka sekatana, ba ntoo Mo tlera hloohong? 'Me O Ipitsa Moporofeta, eèna Moporofeta oa makoma, ea hlahileng?"

157 Hantle-ntle, ba ne ba sa tsebe baporofeta. Jesu o itsalo. O itse, "Holane le tsebile baporofeta, le ka ba le tsebile le 'Na." Ke hantle.

158 Joale lemohang. Empa mohla Lentsoe le tllileng ho eèna, ka mokhoa, hantle kamoo Molimo a Le baletseng ho fihla; mohlang oo keha a Le hakantse ka mokhoa osele. Ke bua ka monyaluoa, monyaluoa oa Mojude, monyaluoa oa Moheberu. Eo e ne e le Eva, le ho qaleng. Eareha Le hlahella mona, keha a sa Le batle. Keha a batlile ho itulela le liphapanyetso tsa hae.

159 Joale, Molimo o tšepisitse Eva oa moea, mane Pentekosta, ea boleloa le pele e hlaha, lilemo tse makholo a mane le pele kereke e khehlemana, ha thoe ba tla koeneha, 'me ba tla etsa seo ba se entseng. Empa, O tšepistse, matsatsing a ho qetela O tla romela Lentsoe hape.

160 Jesu o buile eona ntho eo mohla A leng holima lefatše; O tla boela a Le romela hape. 'Me ebe ke... 'Me ebe Le tla fumana'ng? Le tla fumana seo Le se fumaneng mohla Le ne le fihla khetlo la pele. Hantle. Ba tšoare... Bao, ba batla liphapanyetso tsa bona. Ba batla mokhatlo oa bolumeli ba bona. Ba batla litumeloana tsa bona. Ba batla ho phela ka boithatelo ba bona. 'Me ba batla, "Be, 'na ke *Sekete-kete*. Ke setho sa *Hore-le-hore*." Ho sa natsoe seo Molimo a se etsang, leha A ka Itšupa hakana; A ka tsosa bafu; A ka hlanola makunutu a pelō; A ka etsa sohle seo Bibeletse e boletseng A tla se etsa. Ha e etse phapang ea lethonyana. "Haeba e sa amane le mokhatlo oa hesō, ha ho letho ho Eona." Lea bona?

161 Le monyaluoa eo oa Moheberu o entse hona hoo, ke hantle, lea bona, ba mametse phapanyetso. 'Me Molimo o ba tšepisitse ntho ea makoma. Mohla ntho ea makoma e fihlileng, keha ba sa E batle. E ne e ikokobelitse haholo.

162 Joale ho a tšoana le kajeno, mohla—mohla E hlahang temeng. Joale, Molimo o boletse, ho Malakia 4, ho re O tla romela Molaetsa matsatsing a qetelo, o tlang ho khutlisetsa. Joele o itse, "Ke tla khutlisetsa lilemo tsena tsohle." Sohle se jeloeng ke Roma, le sohle se jeloeng ke Bamethodise, le sohle

se jeloeng ke Mabaptise, tsa tlosoa lekaleng lena la pentekosta la mantlha, Molimo boletse, “Ke tla khutlisetsa letsatsing la ho qetela.” Ke hantle.

163 'Me A ka re romella motho ea joalo ea tlang ho... Ntho e le 'ngoe eo Molimo a kileng a e tlisetsa Lentsoe la Hae ke moporofeta, e seng bahlabolli; ho baporofeta. E ne eso be hora ea eona. Joale hora eo e a fihla, 'me ke baka leo re e shebeletseng ho fihla. E tla be e ikokobelitse e le mosa! 'Me ka hona... Oh, khili!

164 Le nahana baitšepi bao ba Bamethodise, Mabaptise, le Presbeteriene, Mapentekosta, ba ka e amohela le ka mohla?

“Oh,” u re, “Mapentekosta?”

165 Mapentekosta ke Malaodisea. “Barui, 'me ha ba hloke letho.”

166 Ho itsoe, “Athe ha u tsebe u mofutsana.” Mohlomong ho hahuoa meaho ea dimilione tsa didolara, empa u mofutsana, u mofutsana oa moea.

“Oh,” u re, “Ke E bona kaofela.”

“U sefofu!”

“Be,” u re, “ho bokoe Molimo, ke sireletsehile.”

“U feela!”

“Be, ke na le bonnete ka bashanyana ba rōna. Re hahile liseminare. Re...”

167 “Athe ha u tsebe.” Joale ka mona le ka mane feela. Joale, haeba Bible e tlalehile Kereke ea Laodisea e tla kena maamong ao... .

168 'Me lefatšeng ha ho motho ea ka latolang hoba ha se mongoaha oa ho qetela ona, hobane, Mongoaha oa Kereke ea Laodisea, kapa, mongoaha oa kereke ea bosupa. 'Me, ke rōna bana, sekete sa bobeli sa lilemo sea feela. Mengoaha ea kereke e felile. Ke ka baka leo lōna baena ba Pula Hoetla le sa khonang ho qala mokhatlo o mong. Ha e sa tla ba teng. Ke hantle. Ke qetellong. Amen. Mengoaha ea kereke e ke ke ea hlola e ba teng. Ho felile.

169 Empa efela ha molaetsa oa pentekosta e ne e le molaetsa oa ho qetela... . Etsoe, tokafatso, khalaletso, kolobetso ea Moea o Halalelang, melaetsa e mararō ea ho qetela, mengoaha e mararō ea ho qetela e bopa Tsoalo e tletseng.

170 Joaloka mosali ha a tšoere, a tla fumana lesea; ntho ea makhonthe ea pele ke metsi, ntho e latelang ke mali, ntho e latelang ke bophelo.

171 Mohla ba ne ba bolaea Jesu sefapanong, 'meleng oa Hae ho tsoile ntho eo, ho hlahisa bocha... ho bopa e—e Tsoalo. Ba

hlabile lehlakore la Hae, ho tsoile Mali le metsi, 'me, "Ke neela Moea oa Ka matsohong a Hao." 'Meleng oa Hae ho tsoile metsi, Mali, Moea.

172 Joale, Johanne oa Pele 5:7 e a u bolella ka eona, "Ho le ba bararō ba pakang Leholimōng, Ntate, Lentsoe (e leng Kreste,) le Moea o Halalelang." 'Me borarō bona bo a lumellana; ha se ntho e le 'ngoe, empa lia lumellana. 'Me ho le tse tharō tse pakang... Kapa, "Tseo ke ntho e le 'ngoe," ke rialo. Mono ke fositse. "Me tse tharō tse pakang lefatšeng, ke metsi, Mali, le Moea, 'me tsona lia lumellana."

173 U ka halaletsoa o sa beoa ea lokileng. 'Me u ka beoa ea lokileng u sa halaletsoe. U ka halaletsoa u sa amohela Moea o Halalelang. Ke eona hantle.

174 Barutuoa, ho Johanne 17:17, ba halalelitsoe 'me ba fuoa matla ho leleka bademona, empa koana ba se na Moea o Halalelang. Lea bona? Ehlile. Ba tlameha ho nyolohela Pentekosta, ho emela Moea o Halalelang o be o fihle.

175 Ke hona moo Judase a bontšitseng mebala ea hae. Na le bona kamoo moea oo o phollelitseng ka tokafatso, khalaletso? Empa ha o fihla qetellong, a pepesa mebala ea hae. Lea bona? Ke hantle.

176 Joale elleloang, joale, 'me ke rōna bana nakong ea qetelo. 'Me Eva oa moea, feela joaloka oa tla-...kamoo Eva oa Moheberu a tšepisitsoeng, monyaluoa oa Moheberu o ne a tšepisitsoe ho khutla ha Lentsoe. 'Me monyaluoa oa moea ea tsoang Pentekosta, mohla a ne a khehlemana Nicaea, matsatsing a bofelo o tšepisitsoe ho khutla ha Lentsoe hape. Joale u re, ka hona... .

177 Le batla Lengolo le leng, le tšoareng holimo mona, Tšeno 10. 'Me ho itsoe, "Ka hora eo, mehleng ea—ea lengeloi la ho qetela, lengeloi la bosupa (moromuoa oa bosupa) mohla le qalang le utloahala, sephiri sa Molimo se phethehile." Lea bona? Khutlisetso morao Lentsoeng! Bibe e itse moromuoa enoa oa matsatsi a qetelo e tla ba ho, "Khutlisetsa Tumelo ea mantlha hape, morao Tumelong ea bontate." Empa le nahana hobane ba E amohela? Che, monghali. "Matsatsing a ho qetela, O tla khutlisetsa Lentsoe la mantlha hape," joalokaha A boletse ho Malakia 4.

178 Empa o ne a nyahlalitse. Joale, o ne a nyahlalitse Lentsoe leo mane Nicaea. Eva o nyahlalitse Edene; Eva o hanne la hae mane Kalvari. 'Me sehlopha sa Nicaea se ntse se Le hana matsatsing a ho qetela, ka ho tšoana feela. Khele!

179 Empa eareha Lentsoe le tla ka nama ea motho, eèna, Eva, kereke ea Moheberu, 'm'a bohle ba phelang ka moea, Eona mohlang oo, e Le hannne. Keha e shoele hakaale, meetlong ea eona le litšomo, ea ba ea Le fosa. Le enoa o joalo, ka tšoanelo. Ke hantle.

180 Ba Mo fosa, Lentsoe le phelang le bonahetseng ka nama, ka Lentsoe le tšepisitsoeng. Lentsoe le tšepisitse ho etsa lintho tsena. Tšepiso e entsoe, hore ho tla ba tjena matsatsing a qetelo. “Joaloka matsatsing Sodoma, ho tla ba joalo ho Tleng ha Mora motho.” Joale shebang se hlalileng Sodoma. “Joaloka matsatsing a Nohe, ho tla ba joalo ho tleng ha Mora motho.” Lea bona? Le shebe se hlalileng mohlang oo. Lea bona? Joale, O itse ho tla tšoana, 'me re phela letsatsing leo. Be, 'me ho ka etsahala, kea kholoa, nka fumana litšepiso tse makhola a tšeletseng tse joalo, ho tsoa Lengolong, tse maloka eona. Lea bona? Joale, empa, ba Le latola.

181 O ile a tiisetša lineeletsano le phapanyetso, sebakeng sa—sa... A tiisetša mali a phapanyetso, sebakeng sa Mali a makoma. Jesu, Lentsoe, o boletse, mohla Le ne le bontšoa eèna, “Hobane a tiiselitse lineeletsano tsena...” Jesu, Lentsoe le bonahalitsoeng, o boletse monyaluoa, monyaluoa oa Moheberu, “Erekaha u tiiselitse lineeletsana tsa hao, u fetola Lentsoe la Molimo ntho e se nang matla ho uena. Ha le khone ho sebetsa ka matla.”

182 Joale ke lona lebaka kajeno, leo, e—e litsoseletso tseo re tlamelang ho li fumana, re tšoara litsoseletso tsa mekhatlo ea malumeli. Ha re eso fuluhuo e ka 'nete. Che, che, che. Che, monghali. Le se nahane hore re tšoare litsoseletso. Ha re na letho. Oh, ba fumana limilione le limilione le limilione tsa maloko a kereke, empa ha ho tsoseletso nqa efe. Che. Che.

183 Le joale e—e Monyaluoa ha eso fumane tsoseletso. Lea bona? Tsoseletso ha eso be teng mono, le joale ha ho ponahatso ea Molimo ho fuluoa Monyaluoa. Lea bona? Hona joale re e shebeletse. E tla nka Lialuma tse supileng tseo tse sa tsejoeng morao mono, ho Mo phaphamisa hape, lea bona. Yaa. O tla e romela. O e tšepisitse. Joale shebang.

184 Joale, o ne a—o ne a shoele. 'Me joale holane likereke tsa lebala litumeloana tsa tsona, 'me tsa lebala litšomo tsa tsona, ho nka Bibe le feela, tsa ipiletsa tšepisong, e ka ba sebeletsa ka matla. Empa, lea bona, Jesu o boletse, “Lōna, ka lineeletsano tsa lōna, le fetola Lentsoe la Molimo ntho e se nang matla ho lōna.” Be, ho etsahala joalo le ka Eva oa moea kajeno, lea bona, monyaluoa oa moea oa kajeno, ea bitsoang joalo, kereke. O nka Lentsoe la Molimo, 'me ha a Le amohela. 'Me o amohela litšomo, litulong tseo. Ka baka leo, Lentsoe ha le mo sebeletse ka matla, lea bona, hobane o leka ho sutela tumeloana ea hae 'moho le Lentsoe, 'me e ke ke ea sebetsa. Joale, seo re se hlokang kajeno... .

185 Ha ke phetse ho bala ntho ena mona, *The Herald Of His Coming*, lihloho tsa litaba, “Re hloka moporofeta ea khutlang! Re hloka moporofeta ea khutlang!” 'Me kea kholoa, mohla a khutlang, ba ke ba ba tseba letho ka eona. Feel... Ke hantle.

Haesale ho le joalo, lea bona. “Re a e hloka,” sohle seo le buang ka sona, “re hloka ho khutla ha moporofeta, ea tla tlisa Lentsoe la Morena, a hloka tšabo. Rea lumela Bibeletse e tšepisitse.”

<sup>186</sup> Joale, ke tseba Moena—Moena Moore le bao, ho jella tlung ha hae, le eng le eng, mohlophisi. 'Me ke monna e mong ea tšekisitsoeng ea—ea roetseng letlalo la seeta, kea kholoa, e mong oa mathaka a tšekisitsoeng. Empa, lea bona, o tseba re tlameha ho fumana hoo. Le Khaitsetli Moore, ke e mong oa mafumahali a tšekehileng, mothoana . . . ke mothoana oa batho, 'me ba intša sehlabelo.

<sup>187</sup> 'Me ke e 'ngoe ea lipampiri tse hlabosang temeng, ho latela mohopolo oa ka, ke *The Herald Of His Coming*. Empa lea fumana, ba lula ba kharuma hoo, “Re hloka moporofeta! Re hloka moporofeta!” Lea bona? Khele! Ke sona seo ba buang ka sona.

<sup>188</sup> 'Me ke rōna bana, kajeno, 'me joaloka maobane le kajeno, ho hasoa ka radio, ho thoe. . . 'me likereke tsa Baptise le tse joalo, ho thoe, “Ha rea tlameha ho nkana la Makatolike, empa re tlameha ho hlaba selekane sa botsoalle le bona.” Lea bona?

<sup>189</sup> 'Me hantle mona, Moaletsa o tsoa hantle mona, ho, “Suthela hole le ntho eo e chefō!” Lea bona? Lea bona? “Ba babeli ba ka tsamaea 'moho athe ha ba lumellane?” Leseli le lefifi li ke ke tsa tlabola selekane sa botsoalle. Leseli ha le kena, lefifi lea siroha. Lea bona? Le ke ke. . . Ntho e matla a fetisisang! U ke ke ua tima Leseli, ka lefifi. Empa u ka tima lefifi, ka Leseli. Ke hantle. 'Me Eèna ke Leseli, 'me Ke Lentsoe. Lea bona? Joale, ke lōna bao, ho khutlela hantle morao. U ke ke ua Le buisa leshano kapa ho le etsisa phoso efe. Le boela le khutlela lethebeng leo hape. E, monghali.

<sup>190</sup> Joaloka motho ea qalang, ea lelang ho phehisana le uena; haeba u tseba moo ho engoang teng, ho tseba seo a se lumelang.

<sup>191</sup> Ho joaloka ho tšoara moutloa o u lokolla kahara serobe, ebe u tloha ho kata mokoti ofe le ofe. Ema khorong feela; o tlamehile ho khutla. Ke phetho se leng teng. Lea bona? O tla tlameha ho khutlela khorong hantle hape, kaha e le eona feela tsela ea ho tsoa. O tla sunya hlooho ea ona *mona*, o batle o robaha molala; ebe o ea holima *mane*, holimo *mane*. Ema feela u o shebelle, 'me o tla khutla hantle. Lea bona? Ke phetho.

<sup>192</sup> Ho sebetsoa joalo feela. Lula Lentsoeng leo. U ka qhomisa hohle, ka litumeloana tsa hao, oa roba molala o hao hohle feela, empa u tlameha ho khutlela Lentsoeng lena hantle. Lea bona? E, monghali. Ke phetho ka Eona.

<sup>193</sup> Joale, lea bona, bao—bao—bao—bao ha ba Le batle. Ha ba batle Lentsoe la Molimo. Hobane o tiiselitse lineeletsano tsa hae, o sitisitse Lentsoe la Molimo ho sebetsoa ka matla.

<sup>194</sup> Hoa tšoana le joale, ka Eva oa moea. Ha a batle. . . O batla ho boloka lineeletsano tsa hae, le ho furalla Lentsoe la Molimo.



O boetse o tiiselitse mekhatlo ea bolumeli, le litumeloana tsa bona le lineeletsano tsa baholo ba hae, sebakeng sa ho nka Lentsoe la Molimo.

<sup>195</sup> 'Me ha tšepiso ea Lentsoe, matsatsing a qetelo, e tlišoa ho eèna, ha E amohele, hobane, ka lineeletsano tsa hae, joaloka monyaluo oa Moheberu ha a entse. Lentsoe la makoma, leha koana le bonahalitsoe, le supiloe, le netefalitsoe, a ke ke a Le amohela. Hobaneng a sa tl'o etsa joalo? Hobane eo ke papiso ea hae. A ke ke a e etsa. Ke hantle. A ke ke a fanya papiso eo ea hae. Lea bona? Ebile o baletsoe ho e etsa, joale ebe u ka mo thibela ntho efe joang?

<sup>196</sup> Seo u ka se etsang feela ke ho thaba kahobane u kene kahare. Ke phetho. Ak'o e emele. Ho lokile.

<sup>197</sup> Molimo o tšepisitse, matsatsing a bofelo, hore O tla bonahatsa a be a mo netefaletse Lentsoe la Hae, 'me le joale o hana ho e etsa. Seo sohle, Molimo o mo tšepisitse, ka bahlanka ba Hae, baporofeta. Molimo o tšepisitse, ka Jesu Krete. Molimo o tšepisitse, ka Joele. Molimo o tšepisitse, ka Pauluse. Molimo o tšepisitse, ka Malakia. Johanne. . . Molimo o tšepisitse, ka Johanne mosenoli, baporofeta bao bohle, hantle feela seo Molaetsa oa ho qetela o tlang ho ba sona ho eèna. Joale, haeba u batla ho a ngola fatše; hobane, bohle lea a tseba: Jesu, Johanne 14:12; le Joele, Joele 2:38; Pauluse, Timothea oa Bobeli 3; Malakia, khaolo ea 4; le Johanne mosenoli, Tšenolo 10, supa-leshome, 'ngoe ho fihla ho supa-leshome. Lea bona, hantle se tlang ho hlaha hona joale! 'Me, ho kereke, Ke eng? Lentsoe nameng le entsoe nama hara batho ba Hae hape! Lea bona? 'Me feela ha ba Le lumele.

<sup>198</sup> Ana le tseba seo Jesu a se buileng mohla A ne a bona A. . . mohla A ne a etsa mehlolo pela bona, le ho paka hoba E ne e le Molimo? Ho supa seo, seo A neng a se etsa. E ne e le ntho eo. A ntse hantle feela feela. O—O ba boleletse, O itse, “Oh, uena, Kapernauma, ea phahameng ho ea fihla leholimōng, hola mesebetsi e teng. . . mesebetsi e matla e be e entsoe Sodoma, e entsoeng ha enō, e ka be e sa eme le kajeno.” Ke hantle. 'Me kahara Kapernauma, ha A etsa letho haese ho folisa batho 'maloa, le ho ba bolella makunutu a pelō ea bona, eaba o a toa. Uh-huh. Ke phetho. Lea bona?

<sup>199</sup> Ha ba tsebe seo mesebetsi e meholo e leng sona. Ba hopola e tlameha ho ba lenaneo le leholo mo ho emang mang le mang, 'me moahloli a hlalisa puo, 'me—'me sehlopha sa 'mino se letsa, le mebala e tlokoma, le e—le basali ba apereng hantle, le ntho ea bona. . . le ho leta, hohle hoo Ph.D, L.L.D's, le linthohali, tsa likatiba tse telele, le lik'holloro tse hlanotsoeng, le ntho eohle, bohle ba tlameha ho kena kahare. “Ke eona ntho e khōlō.”

Molimo o re, “Ke bothoto.”

200 'Me O hlahisa nthoana e sa khoneng ho arola mohlomong ABC's, ho hang, ho hlahisa ntho e hotetsang Kereke ea makhonthe. 'Me ba bang ba bona ba re, "Sehlopha sa bahalaleli-bathethehi." Athe *Hoo* Molimo o ho bitsa "khōlō," athe lefatše le E bitsa "bothoto." Lefatše le bitsa *hoo* "khōlō," athe *hoo* Molimo o ho bitsa "bothoto." Lea bona, ka ho fapanyetsana. Lea bona? 'Me seo Molimo a se tšepisitseng, Molimo o tla se etsa 'me o se entse. Lea bona? Ke rōna bana.

201 Joale, ka ho tšoana, o ituletse sa mohlā monene, Eva oa Moheberu. O mpa a sa batle ho e etsa. U ka tsosa bafu; u ka bona Moea oa Molimo. Jesu o theohile, a Inēfatsa e le Mora Molimo. Pele, O qalile a rera. Be, eaba ba nahana, "Be, e batla e le Mothaka ea mokhelo. Ebe Ke Mang, le hona?" Be, ntho ea pele lea tseba, batho ba qala ba re. . .

202 Ehlile, ba buile, pele, mohlā pulamaliboho ea Hae e tšileng, Johanne, ba itse, "Na u Messia?"

203 O itse, "Che. Empa O eme hara lōna nqa e 'ngoe." Uh-huh. Lea bona? Hobaneng? O tsebile, hore mehleng ea molaetsa oa hae, seo a beng a tla se etsa. O tsebile seo a neng a tla se etsa.

204 Joaloka Nohe ea sa kang a phetsa ho bea Henoke leihlo. Mohla Henoke a ne a falla, Nohe o itse, "Ke mpe ke lika-like haufi le areka. Nako e atametse." Nohe a 'na a bea Henoke leihlo. Lea bona?

205 Le Johanne o ne a shebeletse pontšo eo Jesu a 'moleletseng eona, kapa eo Molimo a mo laetseng, ho e sheba. O itse, "O eme hantle mona joale, kae-kae hara lōna. Ha ke Mo tsebe, empa ke tla Mo tseba."

206 Ho ema mono, ba itse, "Athe ha u Messia na?" Ha thoe, "Re rometsoe ho tsoa lintlokhōlō." Uh-huh. Ha thoe, "Baholo, le bohle, ba re rometse tlase koano. Haeba u fēla u le Messia, hore'ng u sa nyolohe ho itsebisa holimo mane, e seng tlase mona kahara mphi ena ea ntho ena tlase mona! Nyolohela holimo mane o itsebise."

207 O itse, "Ha ke Messia." A re, "'Na ke lentsoe la ea hooang feelleng."

208 Polelo eo e ba fetile hole holima hlooho tsa bona kamoo e ka khonang. Keha ba sa tsebe letho ka eona, lea bona, athe bohle ba ne ba mo shebeletse ho fihla. "Empa e ke ea e-ba thaka le kang leo. Oh, khili, e ka ba ntho e tšabehang!"

"U tsoa sekolong sefe?"

"Ha se eo."

"Na u tšoere setlankana sa hao sa botho?"

"Ke'ng ntho eo?" Lea bona?

209 O ne a tlotsitsoe ke Molimo. O itse, "Ke tšoere ntho e le 'ngoe. Selepe se beiloe motsong oa sefate." Joale, e le phetho

sohle seo a—e le phetho sohle seo a se tšoereng. A bua maele a rameru, e seng maele a moruti oa motlotlehi; bomarabe, le lilepe, le lifate, le lintho tse joalo. A—a sa bue maele a bokereke.

210 Empa Jesu o itse ha ho moporofeta ea kileng a tšoana le eèna. “Hara ba tsoetsoeng ke mosali, ha ho ea kang eèna, ho fihlela letsatsing la hae.” Ke hantle. “E ne e le ea fetisang le moporofeta.” E ne e le moromuoa oa Selekane, ea emeng lipakeng tsa—tsa makhathe a mabeli, a kenang. Lea bona? “Ea fetisang le moporofeta.”

211 'Me ka hona—ka hona ha ba mo tseba. Ha ba mo utlosisa. E batla e le mothaka ea khesehang, eaba ba mo qhalanela, lea bona.

212 Eitse Jesu ha a fihla, ke hona, ruri keha ba sa tl'o Mo amohela, moshanyana enoa oa 'metli, ho se letho le kang leo, le qhoatsoeng lebitso le letšo ka mora Hae, la “bonyatsi.” 'Me, Eèna, ba ne ba sa batle hobona mothaka ea joalo.

213 Empa, shebang seo Molimo a se entseng. O ile oa nka ba sa rutehang, mafutsana, boralihlapi, borameru, boramapolasi, le lihloa, a tlohela batlotlehi ba lutse mono. Hobaneng? Eng? Horeng A entse joalo? Horeng A entse hoo? Na le ka nahana? Hobane batho bao ba ne ba Mo lemohile hoba ke Lentsoe. Joale ha re ba beeng leihlo motsotso.

214 Ralihlapi ea sa balang ke enoa, ha khone ho ngola lebitso la hae. Biblele e mo tlahhile a “sa bala a sa ruteha.” O nyolla hlapi ea hae o e beha fatše. O theohela mono o hlahloba motso oa lerata lena. Empa tlase koana botebong ba hae, o tsebile Biblele e itse Messia. . . Baheberu bohle ba ne ba shebeletse Messia, hobane mohla A fihlang Mangolo a tla phetheha.

215 Ho kile ha hlaha bomessia ba sehlopha, ba ema ba re, “Ke Eèna,” ba ba khelosa, makholo a bona, 'me—'me eaba ba timela le ntho eohle. Empa, lea bona, morero e ne e le ho faposa Oa makhonthe mohla E fihlang.

216 Re fumane liphekha tsa Elia le likobo, le ntho eohle esele, empa hoo—hoo—hoo—hoo ho e entsoe ho faposa ntho ea makhonthe mohla a fihlang. Lea bona? Ke hantle. Batho ba mefuta eohle ba apereng liphekha le liaparo, 'me ba epetsoe ka likatiba tsa mefuta-futa tse hlanamisitsoeng, le ntho efe le efe. Hoo ha ho . . . Hoo—hoo ho mpa ho nêfefatsa feela. Joaloka dolara ea mafosisa, e supang ea moshoelella nqa e 'ngoe, hola feela u ka e fumana. Lea bona?

217 Ke enoa A fihla. Joale batlotlehi bana ba tsoile, 'me keha ba itšoareletse ka phapanyetso ea bona haholo! “Hobaneng,” ba itsalo, “joale, mohla Messia a fihlang, ruri O tla ipontša Kaiafia. O tla kena mokhatlong oa rōna. O tla tla ho Bafarisi.” Basadusi, “Ke monahano oa lōna feela! O tla tla ho Basadusi.” 'Me keha ba eme mono, lea bona, ba tšoare seo le kajeno, hona joale.

218 Empa mohlala A tšileng, keha e makatsa. O tla fihla, oh, e le khahlano le monahano oa bona haholo, feela O tla fihla ho latela Lentsoe. 'Me ba ne ba sa tsebe Lentsoe.

219 E reng ke e bue, e hlakile, le tle le. . . e tle e thophothele tlase botebong. Ke batla hore sena se e tsoare. Ke bona bothata ba lōna kajeno, lea bona, ha le tsebe Lentsoe! Lea bona?

220 Jesu o itse, "Le tseba hantle ho senola litšobotsi tsa lipakapaka, haele lipontšo tsa mehla ha le li lemohe."

Ha thoe, "Rōna re na le Moshe."

221 Ka hona, ha thoe, "Holane le tsebile Moshe, le ka be le tsebile le 'Na." Ba ne ba sa tsebe Moshe, ha ba ka ba tseba ke hona. Ba itsebelala tumeloana eo ba e qhotsitseng.

222 Joale ha re nkeng ralihlapi enoa oa khale. O beha seroto sa hae fatše. O pholla litelu tsa hae tse putsoa lia lepella, a ntano theoha, "Kea khohloa nka bona hore na ke Mang."

223 Moena a re, "Tloo koano. Ha re thohela tlase mona." Ha thoe, "Ke eēna Mothaka eo. Ke eēna Mothaka eo ho itsoeng tsatsi e leng. . . Ke qetile bosiu bohle le Eēna maobane bosiu. U a tseba Johanne, ke qoqile le uena ka eēna?"

224 "Yaa, monna ea hlaha eo tlase mono! Yaa, ke utloetse ka eēna." "Be," Simone oa khale, u a tseba, ho re, "Ke utloetse tsa hae tlase mono. Yaa, ke ne ke theohetse tlase mono, likhoeli tse peli kapa tse tharō tse fetileng, tlase mono. Eke."

225 "Be, o itse. . . Tsatsi le leng ha a eme mono, o buile mohlolo. A re, 'Ua tseba, ke enoa A e tla hona joale!' Ba re, 'U tseba joang?' A sheba mono; mono keha ho eme Mothaka ea tloaelehileng feela. A re, 'Ke bona Moea o Molimo, eka leeba, o theoha. Ke utloa Puo e reng, "Enoa ke Eēna. Enoa ke Mora oa Ka eo Ke khahlisoang ke ho lula ho Eēna.'" Eaba o kena hantle metsing a Mo kolobetsa, le joalo-joalo. Be mono, o itse, o Mo tsebile."

226 "Oh, ha ke tsebe," Simone a rialo. "Nkile ka utloa lintho tsohle tsa mokhalo oo, hangata." Empa ke enoa a nyoloha. Feela tlase pelōng ea hae ho ne ho larile peō ea boitherelopele. Lea bona? Jesu o boletse joalo. Hantle. A Mo atamela. A nyoloha. Ha thoe, "Ke tla theohela kopanong ho ea bona." A nyolohela mono.

227 Jesu keha a eme mono, Mothaka ea tloaelehileng feela e monyenyanane. Ho nyoloha. A re, "Hobaneng, lebitso la hao u Simone. 'Me lebitso la ntatao e ne e le Jonase." Ea hla ea mo katla. Hobaneng? Nthoana eo, peōnyana ea Bophelo Bosafeleng e hlasimoloha kahare ka mono. E, monghali.

228 Ha thoe, "Bea butle motsotso! Ho ka tla joang? Ha u eso mpone. Le joalo ha eso tsebe ntate, hoba e se e le lilemo a shoela. Empa U fihla mona, u mpoella taba eo? Joale, kea tseba Bibeletse e re. . ." Joale, ha a khutlele tabeng ea moholo. "Empa Bibeletse itse Messia e tla ba moprofeta. Ke eēna Eo. Ke Eēna."

229 Tsatsi le leng A pholletsa le Samaria, a feta tlase mono le sehlopha sa Bajuda. A ba tlohela. 'Me mothoana enoa, eaba ho tsoa mosali enoa ea tamolotseng mekhoa, mohlomong e le leleitinyana le letle, lea tseba. 'Me a lokolotsoe seterateng, esale ngoana. 'Me a tsama mono. Mohlomong a nahanne ho hong. A nyolohela mono a bea nkho fatše. 'Me a qala a theola sekhelello, le a tseba, ho kha metsi. Eaba o utloa Monna a reng, "Mphe metsi." A qamaka, 'me mono ho lutse Mojuda a batla a le lilemong tsa bohareng.

230 A re, "Ehu, na ha U Mojuda? Ha U tšoanela. Ha se molao ha U qoqa le 'na. Ke Mosamaria."

231 A re, "Empa holane u tsebile Ea buisanang le uena, u ka tlisa . . . u ka ba u kopile 'Na ho u fa metsi."

232 Ha thoe, "Nkho ea Hao e kae?" Lea bona? "Thapo ea Hao e kae?"

"Be," A re, "metsi ao Ke u neang oona ke Bophelo."

233 "Eng?" Lea bona? "Hobaneng," a rialo, "hobaneng, bohle le batla ho rapeloe Jerusalema. Athe bontata rōna ba rapetse. . ."

234 "Oh," A rialo, "ke hantle, empa," ha thoe, "rōna Bajude re tseba seo re se rapelang. Empa," ha thoe, "u a tseba, nako e a tla eo—eo ka eona batho ba sa tlo hlola ba rapela Jerusalema kapa thabeng ena." A re, "Ba tla—tla rapela Molimo ka Moea, hobane Ke Moea, Moea le 'Nete." Be, a qala a nahanisisa, lea tseba.

'Me A re, "Ea lata monna oa hao le tle koano."

A re, "Monna oa ka? Ha ke na monna oa letho."

235 "Hobaneng," ha thoe, "ke 'nete." Ha thoe, ha thoe, "U hloahloaetse le ba bahlano, 'me u kene ho oa botšelela joale." Le ho re, "U bile le ba bahlano. 'Me—'me, uena, u a tseba. U boletse 'nete."

236 Shebang! E ne e le eng? Leseli leo chabetse peō eo. Esale e robetse mono, e neng e builoe ke Molimo. E, monghali.

237 Peō e ne e le holima lefatše. Mohla Molimo o no o tlosa metsi, 'me letsatsi le e chabela, eaba e a nyoloha. Ke hantle. Lea bona? Ke phetho seo e neng e se hloka, e le letsatsi. E ne e hlokile leseli feela. E, monghali.

238 'Me eitseha Moea o Halalelang, ka ho Eèna, o suthisa bophelo ba hae bo fetileng, o mo bontša bona, Leseli leo la e chabela. A re, "Monghali, kea lemoha hobane U Moporofeta." A re, "Joale, rea tseba, kea e tseba, hoba Messia mohla a tlleng, O tla be e a le ntho eo. 'Me re hlokile moporofeta ka makholo a lilemo. Ha re eso fumane moporofeta oa makoma, ka makholo a lilemo." 'Me a re, "U mpoellega joang ka monna oa ka, le ho mpoellega ka bongata boo ke bileng le bona. Hobaneng," ha thoe, "Ha ke utloisise sena." Ha thoe, "Messia mohla a tlleng, be, O tla etsa ntho eo. Empa uena U Mang?"

A re, “Ke Eèna.”

Eaba ke phetho. Lea bona? Sehlola!

<sup>239</sup> 'Me eaba baprista ba qamaka ba re. . . Be, keha ba tlamehile ho araba phutheho ea bona. Ha thoe, “Le se ke tšoenyana le Mothaka eo. O—O kenoe ke diabolosi. Ke phetho.” Joale, ke eona phapang. Le kajeno ho a tšoana. Lea bona? Kajeno ho a tšoana, e otlala ka ho tšoana hantle. Yaa. E, monghali.

<sup>240</sup> Eèna, o e tsebile, hobane Leseli le E chabetse. Ba se-. . . Boralihlapi bao, borameru, borapolasi, baleketho, lihloa, ba bone ka ho Eèna seo Mangolo a nyatsehang a Mo boletseng a tla se etsa. 'Me Bafarisi ha ba e bona, ka baka la neeletsano ea bona. [Moena Branham o a thola-thola a ntano qhoaea ka mokhoa o itseng. Phutheho e arabela e omèla—Mong.] Ba sitiloe ho e bona, ka baka la lineeletsano tsa bona. Empa seotsoa, borapolasi, le bao bohle, ba E bone, sohle se neng se reriloepole. Eitseha lipelaelo li siroha, peō ea qala ea hola. Ke hantle.

<sup>241</sup> O ile a etsa'ng? O itse, “Be, ke thabetse ho kopana le Messia?” Oh, che, moena. A titimela hantle motseng. A se a lebetse ka metsi. A re, “Tloong, le bone Monna Ea mpoleletseng tseo ke li entseng. Na ha se sona seo Lengolo le tlalehang Messia a tla se etsa? Na ebe hase eona eo hantle?” Le batho ba bone eona ntho eo.

<sup>242</sup> Joaloka Jesu Krete ha a boletse, ho Santa Johanne 14:12, e tla boela e hlaha. O boetse o buile ho Luka, ha A itse, “Joaloka matsatsing a Nohe.” Kamoo Molimo a Ipontšitseng kahara Monna, a bolela ea ka mora Hae; le seo Sarah a se entseng, a tšehile ka tenteng. Le Mangolo ana ohle, a Malakia, le joalo, a lekantsoeng matsatsing a ho qetela. Baheberu 4 e boletse, mohla “lona Lentsoe” le khutlang. Malakia 4 e itse E tla khutla ka monna. Baheberu 4 e itse, “Lentsoe la Molimo le senola merero e ka pelōng.”

<sup>243</sup> 'Me ba ka e bona etsoa, 'me ba tloha ba e furalla. Lineeletsano tsa bona lia e pata 'me li e hlokisa matla. Be, re mona feela. Ke phetho. Uh-huh.

<sup>244</sup> Lea tseba, A ka etsa hoo kajeno. A ka hata temeng hantle a hlahisa tsona lintho tseo A li entseng mohlang oo, kamoo A boletseng A tla etsa. Lea bona? O tšepisitse ho e etsa. O tšepisitse ho e etsa. 'Me haeba A ka etsa eona ntho eo, lenqosa la Laodisea le tlamehile ho e etsa.

<sup>245</sup> 'Me mohla kereke ea Laodisea e bonang e etsoa, ba tla futsa kereke ea Baheberu tšimolohong. Ho sa tsotelloe kamoo E supiloeng hantle, oh, ba tla e etsa, leha ho e joalo. Oh, khili!

<sup>246</sup> Joale, E re e tla etsa joalo. Re tla khutlela Lentsoeng la mantlha, le ho bonahatsoa ho latèla tšepiso, ho khutlisetsa Tumelo hape, Tumelo ea mantlha, hape. 'Me haeba A

Ipontšitse A ahile hara batho ba Hae, ka ho etsa lintho tse; A bile a katlalitse setšoantšo sa Hae, ho pakoa ke mahlale a saense. 'Me le joale ha ba e lumele. Le ho kholisoa, ho lumella leihlo la machini ho Mo qhautsa a sa eme mono, eona Topallo ea Mollo, eona maobane, kajeno, le kamehla, Baheberu 13:8, ho supa ka ho—ka ho ea ka mahlale, le ka mokhoa ofe osele, ho latèla mahlale liemong tsa moea. Ka mokhoa ofe feela oo e beng e ka nètefatsoa, e nètefatsalitsoe.

<sup>247</sup> 'Me, lea tseba, mohlomong ba tla etsa eona ntho eo. Mohlomong ba tla ngala ba etse seo ba kileng ba e etsa.

<sup>248</sup> Oh, Molimo re thuse! Oh! Re tla emisa mona feela. Empa, Molimo a re thuse ho bona joale, thapelo ea ka, re sa tla joale. Hobane, ha ke batle ho le tšoarella ho fihlela ho phirima. Molimo a re thuse ho bona. Kea lumela mohlomong, Moea o holima rōna, O tla re thusa hona joale ho senola, ho manolla Tiiso ena.

<sup>249</sup> Ha re baleng. Re sa bona maemo a kereke, re bone moo e tsoang teng, re bone seo ba se entseng, re bone moo e neng e tlamehile ho fihla teng, ho e bona mono, le ho bona seo ba neng ba tlamehile ho se etsa. Ba entse joalo hantle. Joale na le bona moo re leng teng? Ke lōna ba tla ahlola. Nke ke ka ahlola. Ke mpa ke jere boikarabelo ba ho tliša Lentsoe lena. Feela kamoo ke Le filoeng, nka Le ntša. Ho fihlela ke Le fuoa, nke ke ka Le ntša; ha ho mang ea ka khonang.

*Eare hobane e manolle tiiso ea borarō, ka utloa sebopuo a se phelang sa borarō se re, Tloo u bone. Eaba kea talima, ka bona pere e ntšo; 'me ea e kaletseng a tšoere sekala letsohong la hae.*

*'Me ka utloa lona lentsoe mahareng a libopuo a tse phelang tse 'ne le reng, Khala e le 'ngoe ea koro e rekoe ka denare, le khala tse tharō tsa hasere ka denare; feela u se ke ua senya ole . . . veine.*

<sup>250</sup> Joale, Konyana e tšoere Buka letsohong la Eona, e qhaqholla Litiiso. E qhaqholotse ea pele, ea bobeli, 'me joale E qhaqholla ea borarō. 'Me ha A e qhaqholla, Konyana e e qhaqholla, Tiiso ea Borarō, Sebopuo sa borarō . . .

<sup>251</sup> Joale ba bakae ba tsebang na Sebopuo sa borarō se ne se tšoana le eng? Se ne se tšoana le monna. Sa pele se ne se tšoana le tau; se seng se tšoana le namane, kapa pholo; sa borarō se ne se tšoana le monna, joaloka monna. Eaba o utloa e—e Sepheli se phelang, e—e Sebopuo. Sepheli se phelang, se kang monna, se re ho Johanne, “Tloo, u bone seo E leng sona, sephiri sena esale se patiloe.” Haesale ho theoha le lilemo tsa topollo, ho tloha motheong oa lefatše, esale Se patiloe tlasa Tiiso ena, se tlang ho etsahala. Joale, “Tloo, u shebe seo E leng sona.”

<sup>252</sup> 'Me eaba O a E manolla. Sealuma sa phatloha, 'me Konyana e manolla Litiiso.

253 Joale, 'me Johanne a nyoloha, ho bona na E tla ba eng. Eaba o bonang? A bona pere e ntšo. 'Me mokalli oa eona a tšoere sekala, kapa litekano, letsohong la hae. Joale, ke ntho ea pele eo a e boneng. Eitseha Konyana e tsebisa Hoo, e qhaqha Tiiso, eaba Sebopuo a se seng. . . Lea bona, Libopuo a tseo li fapanyetsa, ho etsa tsebiso, "Tloo, u bone." 'Me Johanne, moo a neng a eme teng, ekaba *tjena*, o tsamaela mona, ha Konyana e manolla, le ho atamela koo. Ka tloaelo. . .

254 Sealuma sea phaila, joalokaha re bone Tiiso ea Pele. 'Me o sheba ho bona se hlahang. 'Me o bona monna ea tlang, pele, a kaletse pere e tšoeu. O mo shebeletse a kaletse a theoha. Le ho tla joalo, Johanne o 'mona a kaletse ho fihla qetellong. O 'mona a theoha, ka pere ea hae e tšoeu, a tšoere seqha letsohong la hae, 'me e—e mokalli eo o kokositse, ha a se hlahlela metsu. 'Me o bona ntho e latèlang, a fuoa moqhaka, 'me o kalla a haola hantle.

255 Re ntano fumana, ke hona, Konyana, mona ho boela ho hlaha, O manolla e 'ngoe. Le ho sheba. Joale mona ho hlaha e—e pere e khunong. Monna enoa o tšoere lerumo letsohong la hae. O kalla a theoha le Lengolo, lea bona, a tšoere lerumo letsohong la hae, 'me a tla bolaea a tima khotso lefatšeng.

256 Joale Konyana e manolla Tiiso e 'ngoe. Sepheli se seng sa tse phelang, se kang monna, se itse, "Tloo, u bone." Joale o a nyoloha, ho bona seo e leng sona. 'Me ha a etsa joalo, ho hlaha mokalli holima pere e ntšo.

257 Joale, maobane bosiu, re fumane eèna mokalli oa pere e tšoeu e le eèna ea holima pere e khunong.

258 'Me Puo e buile, mahareng a Libopuo, ea bitsa, lea bona. Mono, ho bona hore e ne e le eng: A le kahara Lipheli tse phelang tsena. 'Me o bone pere e ntšo ana.

*'Me eitseha. . . lōna lentsoe mahareng a libopuo a tse phelang tse 'ne le bitsa koana, Khala e le 'ngoe ea koro e reko e ka denare, le—le khala tse tharō tsa harese ka denare; feela u bone u se ke ua senya e—e ole le veine.  
(Lea bona?)*

259 Mokalli enoa, ha re mo seka-sekeng. Ha u ka ellelloa mokalli enoa oa pele, hore ebe e ne e le mang. 'Me re fumane, maobane bosiu, ho latèla Mangolo, hore mokalli oa bobeli hantle-ntle e ne e le monna eèna eo, a mpa a kaletse pere e 'ngoe. Ho etsahetseng? O fetotse tšebetso ea hae. Lea bona? Hantle. Re mo fihletse e ne e le antikreste, 'me a fetotse maemo a hae.

260 Ra fumana hobane eitse ha eèna, pele, e ne e le pere e tšoeu feela, a fetoha thuto. Joale, re bile ra khutlisetsa e 'ngoe le e 'ngoe ea lintho tseo Mangolong hantle. Lea bona?

261 Joale, le shebe moo re leng teng, bosiu bona, mongoaha o mong oo oa kereke joale. Lea bona? Re theohela mongoaheng



oa kereke ea borarō joale. Lea bona? E tšoana hantle le mongoaha oa kereke ea borarō hantle feela, oona o tšoana le pere ea borarō hantle. Lea bona?

<sup>262</sup> Joale, mongoaha oa kereke ea pele, e ne e le eng? Banikolaitane ba ne ba fupile thuto, lea bona, oa pele feela. Ho lokile. 'Me hape, ntho ea pele eo re e tsebang, thuto ena ea Banikolaitane, e ile ea hlongoa 'me ea loka, ea nka khato. 'Me eaba thaka lena ba le roesa moqhaka. Eaba, moea oona, antikreste, o fetoha nama kahara monna. Lea bona? 'Me re fumane, hamorao, o fetoha diabolosi nameng, hape; modemona o a sutha, 'me ho kena diabolosi.

<sup>263</sup> 'Me erekaha kereke eo e le ea mofuta oo, kereke ea antikreste, e khatha tema; le Monyaluoa o fetile linthong tse fapaneng: ka tokafatso, khalaletso, kolobetso ea Moea o Halalelang, le ho tsoa tema hantle, lea bona, ka ho tšoana feela. Feela, tsoseletso ea bona e tlile pele, athe Kereke eona e e tšoara qetellong. Lilemong tsa bona tsa pele tse tharō... mekhahlelo e merarō ea bona ea pele e fetile mengoaheng e lefifi; ea nto ba oa borarō, mekhahlelo e merarō, Kereke e a tsoa; e qala ka tokafatso, khalaletso, kolobetso ea Moea o Halalelang, Molimo ea entsoeng nama a bonahatsoa hara rōna. Ke enoa a kena, joaloka antikreste, joaloka moporofeta oa bohata, a nto ba sebata, e ntano ba mongoaha o lefifi. 'Me Kereke e tsoa mengoaheng o lefifi oo; tokafatso, khalaletso, kolobetso ea Moea o Halalelang, Lentsoe le entsoeng nama, tsela joale. 'Me o a theoha. Uh-huh. Na le bona seo? O a theoha. Kereke e a nyoloha. Lea bona? E phethahetse kamoo e ka khonang. Oh, e ntle. Ke mpa ke e rata feela.

<sup>264</sup> Mokalli enoa ke eèna eo, empa ke mekhahlelo o mong oa tšebeletso ea hae.

<sup>265</sup> Mekhahlelo oa pele, pere e tšoeu, le a bona, e ne e le mosuhe feela, mosuhe oa antikreste feela. O ne a eme khahlano le Lentsoe la Molimo.

<sup>266</sup> 'Me joale u ka fetoha antikreste joang? E mong le e mong ea latolang Lentsoe le leng le le leng la sena a re ha lea nēpahala, le ho rutoa ka ho tšoana, ke antikreste, hobane ba latola lona—lona—lona—lona—lona Lentsoe. 'Me Eèna ke Lentsoe.

<sup>267</sup> Joale, mekhahlelo oa pele, pere e tšoeu, e ne e le mosuhe feela, empa e le moea oa antikreste ka thuto ea oona le ka boleng ba oona. E ne e le mosa. E ke ke ea utloisa letho bohloko, ka chebo ea mahlo; ho tsoelapele feela. Satane o kena joalo. Oh, ke nonyana e masejana.

<sup>268</sup> O boleletse Eva, ha thoe, "Joale, u a tseba u batla bohlahe. Ha u tsebe botle le bobē." Ha thoe, "Joale, mahlo a hao ha a ka buleha, u tla tseba letho." Le ho re, "Tholoana e monate haholo. E molemo. E—e khahlisa mahlo. U tšoanetse ho e ja hona joale. Ha u tsebe haeba ho le joalo, kapa che, ha ke re?"

“Che, ha ke tsebe. Empa Molimo o e thibetse ho etsoa.”

“Empa, oh, be, kea tseba, empa . . .”

“Molimo o itse O . . . re tla shoa.”

269 A re, “Ruri A ke ke a etsa joalo.” Lea bona, ka mosa o ka etsoang. Shebang seo e se entseng.

270 Shebang moea ona oa antikreste ha o tsoha hara kereke ea tšimoloho, thuto ea Banikolaitane. *Nikao*, “hapa” phutheho, ho etsa monna ea halalelang. Oh, feela e hloka man- . . . “Be, re batla ho tlabola selekane feela. Ebile, le hasakane kantle mona; e mong ha a tsebe na e mong o kae. Ke kholoa bohle re tlameha ho bopa mokhatlo ’me re fapane feela. Lea bona, re tla tloha, re iteanye hammoho. Re tlameha ho e fetola loje.” ’Me ke eona hantle. Ha ho ntho e kang Kereke ea Bokreste ea Methodise. Hase Kereke; ke loje. Baptise, hase Kereke; ke loje.

271 Kereke e ’ngoe feela, ’me ke ’Mele oa Jesu Krete oa sephiri. ’Me u tsoalloa ho Oona, ke hantle, ka boitherelopele. Ke hantle. “Bohle bao Ntate a ’Neileng bona ba tla tla. Ha ho ea ka tlang a sa bitsoa ke Ntate. ’Me bohle bao A ’Neileng bona, ba tla tla ho ’Na.” Ka baka leo, seo, ke eona. O mpa feela . . .

272 Konyana e lutse mono, ho etsa—etsa bobuelli, oa ho qetela a tle a be a kene. Ho letsoa tleloko e nyenyane, ’me O tsoa ho rua letlotlo la Hae, lea bona, ke phetho; ho isa Kereke ea Hae Lapeng, bahlanka ba Hae. ’Me sera sa Hae o se lahlela Letšeng la Mollo, le bahlanka ba hae bohle ba kena le eèna teng, ’me ke ho feela. Ebe moo re tsoang re kenela Sekete sa Lilemo.

273 Ke mokalli a le mong, joale. Mokhahlelo oa pele, o ne a le mosa. ’Me bobeling joale, ha u nyoloha ho se hokae, ho feta-feta moo; mokhahlelo oa bobeli, Bible e itse o tla “fuoqa moqhaka.” ’Me ba ile ba roesa monna moqhaka, monna-seqhobane. Lea bona, ho mo roesa moqhaka! ’Me, hape, Bible ha e a mo bitsa mopapa. Bible e mo bitsitse “moporofeta oa bohata.” Hobaneng? Yaa. Ehlile, o tlamehile ho ba moporofeta oa bohata, ka moea oa hae oa antikreste, o rutileng antikreste khlahlano le Lentsoe la mantlha. Hobane, haeba a rutila khahlano le Lentsoe la mantlha, e ne e le antikreste. E ne e le eona. ’Me Lentsoe ke Molimo, lea bona, Krete. Ho lokile. Joale, ka morao ho moo, re mo fumana a roesitsoe moqhaka. ’Me ha a roesoa moqhaka, joale, o hlile o hloka mano ’me ha a na kotsi. Ke mothoana ea sa tsebisahaleng feela.

274 Empa eaba Niceaea Council, o etsoa hoo, ’me eaba Konstantine o mo abela thepa eohle. ’Me eaba o etsa’ng? Eaba eèna, lea bona, Satane, o mo nea terone ea hae le boholo. Bible e boletse joalo, kamoo re haotseng ho eona.

275 Joale, ntho e latèlang eo re e fumanang, diabolosi o laola dipolotiki tsohle tse kileng tsa hlaha kapa tse tlang ho hlaha. Re e fumana ho Mattheu 4:11. 'Me joale rea fumana, ke hona, hore Satane o ne a se a ruile dipolotiki.

276 Empa o ntse a leka ho fumana Kereke, eaba o theoha ho ea E thetsa. O iphumanela monna-seqhobane sa hae, o mo sunya kahara mokhatlo, o mo roesa moqhaka oa “lenqosa,” lea bona, kreste. Kreste o ne a sebetsa sebakeng sa Molimo. Lea bona, mothaka enoa ke lenqosa, sebakeng sa Molimo. Lea bona? E itšoanela feela, “sebakeng sa Molimo,” seo a tlamehileng ho ba sona, lenqosa ka tlasa Kreste.

277 Joale, joale, eitseha a etsa joalo, eaba o etsang? Èèna, Satane, o ile a nka matla a hae a dipolotiki, a se a a okametse, 'me eaba o fumana matla a hae a borapeli, a se a roesitsoe moqhaka, eaba o li teanya 'moho.

278 'Me eaba o iketsetsa moqhaka o mong holima lihele. 'Me bao ba seng ba iketse, hola ba ka lefa chelete e lekaneng, a ka ba ntša teng. Lea bona? Hona joale ke—ke lenqosa holima Leholimō, holima pelekatori, kamoo a batlang ho e bitsa. Ntho e joalo ha e eo kahara Bibehe, lea bona, empa o ne a tlamehile ho etsa ho hong. Bibehe e itse e tsoa sekoting se se nang botebo, a boela a khutla ka ho tšoana. 'Me, holima lefatše, ke 'musisi!

279 Joale mohlang oo o ile a fua eng? Pele, o ne a tšoere seqha, a mpa a se na motsu. Empa joale o tšoere lerumo le lehlo letsohong la hae. A ka etsa ho hong joale. Ke eo o tšethema pere ea hae e tšoeu; pere e tšoeu e feta e likela koana. Joale o palama eng? Pere e khunong, mali, pere e bofubelu ba mali. Eona o hlile o a e kalla. Oh, ruri. Joale o fua eng matla a maholo le lerumo le lehlo, ho bolaea, eaba o kalla pere ea hae e bofubelu ba mali.

280 Rea bona, ho tsoa Tiisong ea Bobeli, e qhaqhiloeng maobane bosiu, o ile a tlosa khotso holima lefatše 'me ba bolaeana. 'Me eona thuto ea hae ea bashoelatumelo, ea kereke ea Roma e Katolike, e ba supa ba bolaile Maprotestanta a limilione tse moshotšelela-robeli, ho tloha nakong ea Santa Hippo oa...ka mora Santa Augustine oa Hippo, ho fihlela sekete le makholo a mahlano le mashome a robeli le ho hong. “Limilione tse mashome a tšelela a metso e robeli.” Schmucker's *Great Reform*, ha u batla ho e bala, *Glorious Reform*, ke rialo, lea bona. Joale, ho porotiloe limilione tse mashome a tšelela a metso e robeli tlalehong ea bashoelatumelo! Mohla e mong oa bao ho thoeng ke bahalaleli ba bona a fuoang tšenolo e reng mang le mang ea sa lumelaneng le kereke ea Roma o tlameha ho shoa joaloka lehlanya, ea hla ea ba thakhola. Moshanyana, a hla a tloha a tšolla mali! A—a tlolela pere ea hae e tšoeu...a kalla pere ea hae e khunong, a tloha a kalla. Oh!

281 Joale matla a hae a maholo a fihla. A beoa lenqosa la Leholimō, 'me a khumameloa e le Molimo. 'Musisi oa lefatše, ka ho kopanya kereke le 'muso, hoo ho mo entse 'musisi oa lefatše; a fua moqhaka holima ntho eo. A khona ho ntša meea e pelekatoring ka thapelo. A bile a khona ho bue- . . . A batla a tšoana le Molimo, holima lefatše, sebakeng sa Molimo. Hammoho, o ne a ruile matla a ho bolaea mang le mang ea sa lumelaneng le taelo ea hae. Ke mang ea ka buang khahlano le eena? Kereke e ke ke ea bua letho; ke hlooho ea eona. 'Muso o ke ke oa bua letho; ke hlooho ea oona. Ka baka leo, ba shoele ka limilione. Likerekana tseo tsohle, moena, tsa pshatlakoa, tsa bolaoa tsa fenethoa, tsa feptjoa litau, le eng le eng. Lea bona? "Drakone," Roma, "ea mo fa setulo sa eona le matla." Bibeletse joalo. Lea bona? Eaba o kalla papiso ea hae, e leng pere e khunong ka mali a motho, e ba ea fetoha pere e khunong.

282 Joale Johanne o 'mona holima pere e ntšo. O fetohile, ntho e 'ngoe esele.

283 Joale ke tlameha ho—ho e bua kamoo e mphihletseng. 'Me hape haeba e tlile ho 'na e sa nyalane le Mangolo a mang ohle, ekabe'ba ha e tsoe ho Molimo. Lea bona, Mangolo a tlamehile joalo, le leng le le leng, ke ntho e le 'ngoe feela e khōlo—khōlo ka mokhoa oo. Lengolo le tlameha ho lumellana le Lengolo. 'Me ntho efe e khahlano le Lengolo. . . Haeba Lengeloi leo la Morena le mpoletsetse ntho e sa bapeng le Lengolo, nke ke ka Mo lumela. Lea bona?

284 Ke buile, mono Chicago letsatsi le leng, mohla bareri bao bohle ba makholo. . . Motho o na le teng kopanong eo? Ehlile. Kopano eo ea Chicago, ka re, "Joale, le bua kamoo le nang le. . . Le ne le hopotse ho ntšota letsoho ka mona, mabapi le ntho e itseng." Ho batla ho tšoana le ka phaposeng ena hona joale. Ka re, "Ke'ng? Le nkoetletse ntho." Ka re, "Moea o Halalelang o mphontšitse, masiu a mararō a fetileng, moo e mong le e mong oa lōna a tla be a lutse teng. 'Me ke ke ra kenela kahara ntho eo. . . Le ka botsa Carl mona haeba e sa loka."

285 'Me Hank a le teng le bao kaofela, "Ke hantle." Bohle le ne le le teng ho e mamela.

286 Ka re, "Le khahlano le 'na, ka Thuto ea ka. Ke bona bothata. Joale ke batla e mong oa lōna a tl'ō ema mona, u tšoare Bibeletse ea hao 'me u eme pela ka mona, 'me u E hanyetse." E le sehlopha se khutsitseng ka ho fetisisa seo u kileng ua se utloa. Ka re, "Molato ke'ng ka lōna?" Ka re, "Ha ho le joalo, haeba le itseba le sa khone ho ema khahlano le Lentsoe, thehang mokokotlong oa ka. Lōna Lingaka tsa Khalalelo le ntho eohle, le buang ka mokhoa oo, le itsebisa le le 'Ngaka,' 'Ngaka,' 'Ngaka.' 'Me 'na ke. . ." (Oh, Moena Woods 'me ke re "cheechaker," kapa "qōba e ncha.") "Ha ke na thuto, ha ke eso fete seminaring kapa sekolo. Empa u ka tšoara

Bibele ea hao ua tla koano ua ema lephakong la ka mona, ua ngangisa peō ea noha, kolobetso ea Lebitso la Jesu, kapa ntho efe ea tseo ke li rutang.” Ha ho motho ea ileng a bua. Bohle le tseba seo. E le sehlopha se khutsitseng ka ho fetisisa seo u kileng ua se bona.

<sup>287</sup> Lea bona, ba itlatlarietsa joaloka ntho eo ke sa e tsebeng. Joale, joale ke ena mona. Ha ke lumele ho etsa likhang le batho, empa ha u fihla moo ba u hulelang teng. 'Me nka be ke sa ea, hola Moea o Halalelang o sa ntaela, ha thoe, “Tloha u ee teng. Ke tla ema le uena.”

<sup>288</sup> Ho ba bolella, matsatsi a mararō a mane pele ho nako. Bohle le ne le le teng 'me la utloa Mongh. Carlson le bao, le—le Tommy Hicks. 'Me bohle ba lutse mono. 'Me ka ea, matsatsi a mararō pele ho moo, ka re, “Le tla tlameha ho phumula sebaka seo.”

<sup>289</sup> E le bosiu ba moea oa sefefe. Ke ne ke tšoere kopano. A re, “Tloha, u eme pel'a fesetere eo, monyakong o monyenyanane oo oa borarō mono.” 'Me ka ea teng 'me ka ema hantle ka mono. Ka sheba kantle ka mokhoa oo.

<sup>290</sup> A re, “Ba u chehetse leraba. Ba tla u kopa ho bua mono Ministerial Association of Greater Chicago.” Ho re, “Ba u chehetse leraba, mabapi le thuto ea hao ea Lentsoe la Ka.”

<sup>291</sup> A re, “Joale, ba tla hlakola tulo eo mono. Ba ke ke ba e fumana. 'Me ba tla kenela tulong, e nang le bosootho.” Ho re, “E shebhala tjena.” Ka thola, eaba ke ipona ke eme khoneng; ho hetla morao mono le ho bona. Ka ba bona kaofela ha bona ka mono. Ka bona bareri bao bohle ba lutse mono, ka mokhoa oa bona. Ka ba sheba joalo. 'Me eaba O re . . .

<sup>292</sup> “Oh,” ka nahana, “nka mpa ka tlohela ho ea mono, Morena, haeba ba il'o etsa joalo. Ha ke batle ho utlosisa maikutlo a bona bohloko kapa ho etsa letho le phoso.”

A re, “E-ea. Ke tla ema le uena.” O ile a etsa joalo. Ke hantle.

<sup>293</sup> Joale, lōna bohle, lipaki li teng hantle mona, tse neng li lutse mono 'me li e tseba e le 'nete. Ke hantle. Be, le tšoere liteipi mona, hape. Empa, ke moo he, lea bona.

<sup>294</sup> Joale, joale sephiri sa ntho ena ke sena. 'Me joale, Eona, eitseha ha ke E senoleloa ka meso hoseng hona, pele letsatsi le chaba. Eaba ke potlakela Lengolo 'me ka qala ka sheba, ka le hlahloba. Keha e le eona. Tse tharō tsa tsona, ho fihlela joale, ruri li hlahile, li senotsoe ka mohlolo. Yaa. Joale sephiri sa pere ntšo ke sena, ho latela kamoo ke e senoletsoeng.

<sup>295</sup> O qalile ho e kalla mehleng ea mengoaha e lefifi. Ke sona seo pere e ntšo e se bapisang, mengoaha e lefifi, kaha e ne e le mohla khitla ea bosiu ho masalla a balumeli ba sebele. Shebang joale kahara mongoaha oa kereke eo, mongoaha oo oa kereke e mahareng, mongoaha oa kereke e lefifi. Le shebe kamoo A buang kateng, “U sa na le matla a seng makae.” E

ne e le khitla ea bosiu ho bona, ho molumeli oa sebele. Joale sheba. Hantle-ntle Kereke ea 'nete e ne e amohuoe tšepo eohle, hobane thaka lena le ne le laola kereke le 'muso. Ebe ba tla etsa'ng? Lea bona, Bokatolike bo ne bo laola, kereke le 'muso. 'Me bohle, ba sa kang ba lumellana le Bokatolike, ba bolaoa. Ke ka baka leo a neng a lutse holima pere e lefifi. 'Me le shebe ntho e lefifi eo a e entseng, lea bona, ke hona u tla bona. 'Me u mpe feela. . . Haeba u tseba nalane ea hao, e shebe, ke hona u tla. . . Be, ha u a tlameha le ho e tseba, ho—ho tseba Sena. Joale sheba. Tšepo eohle e ne e timme. Ke pere ea hae e ntšo eo.

Joale, o ile a kalla pere ea hae e tšoeu, ka maqiti.

<sup>296</sup> Eaba o fuoa matla; ho tlosa khotso, a fenetha limilione. Ke sona seo a na tla se etsa ha a palame a feta. 'Me o sa ntse a etsa joalo. Lea bona?

<sup>297</sup> Joale, mona o holima pere ea hae e ntšo joale, ho hlaha. Mongoaha o lefifi, e ne e le nakong eo. Hang-nyana hoba kereke e hlophisoe, 'me e fuoa matla, eaba ba falatsa ntho eohle esele. 'Me ba feta, ho ka thoe, makholo le makholo le makholo a selemo, mobali ofe le ofe o e tseba e le mengoaha e lefifi. Ba e tsebang a bakae? [Phutheho e re, "Amen."—Mong.] Ruri, mengoaha e lefifi. Pere ea lōna e lerootho ke eo, e bapisang mongoaha oo o lefifi. Joale, litšepo tsohle li timme; ha ho tšepo ho hang. Hohle ho bonahetse ho rothofetse, ho balumeli ba banyenyane. Joale, ke ka baka leo o bitsoang, o bapisitsoeng, ke pere e lerootho.

<sup>298</sup> "Likala tsa hae, kapa litekanyo tsa hae, li letsohong la hae," lea bona. O a tumisa, "Khala ea koro ka denare, le likhala tse tharō tsa harese ka denare." Lea bona, hantle-ntle, ntho eo, koro le harese ke liabelo tsa bophelo ba tlhaho. Bohobe le lintho tseo li etsoa ka tsona. Empa, lea bona, o ne a lefisa liabelo tsena. Seo e se boletang, ke hore, o ne a lefisa bafo ba hae seabelo sa tšepo ea bophelo boo a ba romeletseng bona, ka ho etsa. . . O ne a qale mehleng eona eo, ho ba lefisa lithapelo, ho lefisa thapelo. Ba sa ntse ba e etsa; dinoveniase.

<sup>299</sup> Hobane, o ne a etsa'ng? O hapa moruo o lefatše. Tekanyo, ho lekanya boima, "Khala ea koro e rekoe ka denare; khale tse tharō tsa harese li rekoe ka denare." Mokalli ea holima pere e 'ntšo, lea bona, o ne a etsa. . . a hlotha bafo ba hae chelete ea bona. Kanthe, Bible e boletse ho itsoe o tšoeu, nka re, leruo la lefatše. Ho latela puo ea rōna maobane bosiu ka Rashia, le ntho eo eohle, ba ile ba nka chelete eohle ba hlobolisa batho sohle seo ba se ruileng, ntho e 'ngoe le e 'ngoe. Ka hona, ke lōna bao.

<sup>300</sup> Joale lemohang. Na le bona moo ho shoabola chelete hoo ha khale, kahara kereke, motso oa eona? Sutha nthong eo; ho haha mokhatlo, nthohali e itseng, milione oa dolara mona. 'Me—'me na le bona 'm'a eona ke mang?

301 Kea U leboha, Morena. Oh, khili! Ke thabile haholo. E, monghali. Ho lokile. Ebile mohau oa Hae. Ke phetho. Ho lokile. Ho lokile.

302 E ne e le khitla ea bosiu. Lea e utloisisa joale? [Phutheho e re, “Amen.”—Mong.] 'Me ke enoa o lefisa bophelo ba mofuta oo, ke harese ea hae le ntho, ea tlhaho; e ne e se ntho ea moea, joale. E ne e le harese, lea bona, ka hona, bohobe ba harese le bohobe ba koro. O ne a lefisa bophelo boo a bo fang bafu ba hae. Ho lefisa lithapelo ka baprista, ho rapella batho ho ba ntša pelekatoring. Ho lefisa! Joale taba ena ke e hotolla historing hantle. Ho lefisa hoo, kea kholoa, ke novena, kea kholoa, mang le mang oa e tseba. Novena, kea kholoa ke seo u tšoanelang ho se phethisa, ua tseba, boithlokofatso ba mofuta. Motho o tlameha ho lefisa hoo. Ho ipokella leruo la lefatše, ka ho eëna, kahara kereke bo-eona. 'Me o sa ntse a kaletse. Oh, ehlile bo. E, monghali. O sa ntse a kaletse!

303 Lemohang. Karolo e monate ke ena joale. Lemohang.

. . . *bona hore u se ke ua senya* veine ena le ole.

304 “Ho setse nthoana ea Eona feela mona, feela u se ke ua ama Hoo!”

305 Joale, ole ke . . . e bapisa Moea, Moea o Halalelang. Ke tla le nea litemana tse 'maloa ha le batla. Ho na le Mangolo a mabeli. Ho Levitike, 8:12, moo Aaronone, pele a kena kahare, a tlamehang ho tloloa ka ole, lea tseba. Le ho Zakaria 4:12, mabapi le ole e phallang, e fepeloa ke liphaepe, 'me ho itsoe, “Ona ke Moea oa Ka, Ole.” Ntho e 'ngoe, ha u batla ho bona Mattheu, 14 . . . 25, ho hlahile moroetsana ea leoa, kapa 25:3, moroetsana ea leoa o ne a se na Ole, a se na Moea. 'Me ho Mattheu 25:4, moroetsana ea bohlale a e na le Ole lamping ea hae, a tletse Moea. Moea! Ole e bapisa Moea. Oh, thorisole! [Moena Branham o opa liatla hang—Mong.] Ho lokile. Lea e tšoara? [Phutheho e re, “Amen.”] Ho lokile. Joale, ole e bapisa Moea.

306 'Me veine e tšoantša hlasimoloho ea tšenolo. Oh, enekare nka—nka matha hohle mono. Kea ipotsa ebe ha kea tsosa baahisane, ha Morena a ne a mpontša eona, lea bona, “hlasimoloho ea tšenolo.” Lea bona?

307 Ole le veine, kahara Bibe, li khema 'moho, kamehla. Ke tšoere bunkantsoe 'me ke e hlahlobile. Ke letoto la oona, ntho eo ka—ka mokhoa oo, moo veine le ole li bapileng 'moho, nako eohle. Lea bona?

308 Ha 'Nete ea Lentsoe la Molimo la pallo e senoletsoe bahalaleli ba Hae kannete ba tlatsoitsoeng ka Ole, bohle ba hlile ba hlasimoloha. Veine ke hlasimollo. Thorisole! Kea E utloa hona joale. Ke hlasimolotsoe ke thabo, mehoo! Lea bona? 'Me, ha E etsa joalo, tšebetso ea Eona holima bona e tšoana le eo—eo ea veine holima monna oa tlhaho. Hobane, ha tšenolo e

ntšitso, eona ea 'Nete ea Molimo, 'me molumeli oa makhonthe a tlatsitsoe ka Ole, 'me tšenolo e senotsoe, hlasimoloho e hakala hona O mo etsa hore a itšoare ka mokhoa o sa tloaelehang. Hantle. Thoriso! [Phutheho e a nyakalla—Mong.] Lea bona, ke bona bothata ba bona hona joale. Ke hantle, ba itšoara ka mokhoa o shebehang o sa lokela.

<sup>309</sup> Joale, ha u batla Lengolo la sena, qala u bale Liketso 2. Ba hokae? Ba ne ba tšoere pallo e neng e filoe bona. Mohla pallo eohle ea Moea o Halalelang e ne e tšolloa holima bona. 'Me ha . . . E ne e nêtefalitsoe ka Mangolo. Joale, lea bona, e . . .

<sup>310</sup> Holane ba itse . . . “Joale, bea butle, O re laetse ho emela tšebetso ea rōna holimo mona.” 'Me ka mora matsatsi a robeli, ba re, “Be, ke tla le bolella, bashanyana,” Mareka a re ho Mattheu, “Kea—kea kholoa re se re O fumane, mathaka. Na ha le hopole joalo? Lea bona, re se re U fumane. Ha re ntse re emetse tšebetso ea rōna joale, re tlameha ho tsoa feela, ho ea rera. O re laetse ho nyolohela koana le ho ema, 'me mona re se re qetile matsatsi a robeli.”

“Be, ha re emeng le leng.”

<sup>311</sup> Eaba ho fihla matsatsi a robong. Ebile Mareka o a fihla, kapa—kapa—kapa e mong oa bona, Johanne, ho re, “Ke—ke—ke lumela re sa tlameha ho ema ho feta mona. Kea lumela hoba re se re O fumane. Lōna le reng?”

<sup>312</sup> Ke bona Simone, kaha a tšōere linotlolo, lea tseba. “Beang butle, bashanyana! Lengolo le tlameha ho bua se seng ka taba ena. Ha A re bolella ho ema matsatsi a makae feela. O itse, 'Le eme feela ho fihlela! Le eme mono ho fihlela seporofeto sa Joele se phethehile, ho fihlela seporofeto sa Esaia se nêtefalitsoe.”

<sup>313</sup> “Ho ba ke ka melomo e kokotletsang le ka lipuo lisele Ke tlang ho bua le batho bana. 'Me ena ke eona khatholoho.” Ena ke veine e tšolotsoeng. Veine keng, kahara Bibehe? Likhatholoho. “Ena ke khatholoho tse tsoang ka pela Sefahleho sa Morena.” Lea bona? E—e tlameha ho khema le Mangolo joale. Lea bona?

<sup>314</sup> Ka baka leo, lea bona, veine e bapisa hlasimollo ea tšenolo. 'Me eitseha Moea o Halalelang o tšoloha, 'me ba bona Mollo oa Molimo o theohela holima bona, khele, ea qala ea ba hlasimolla. 'Me ntho ea pele lea tseba, ba hlasimolloa hoo batho ba hopotseng ba hlile ba tahilo, empa ba ne ba hlasimolotsoe ke tšenolo. Ke Molimo ka . . . Ke ena! Tšenolo ea Molimo e nêtefalitsoeng, e hlakisitsoeng bona, ba ne ba E thabetse. Molimo o e tšepisitse. Ke ena e ne e senoletsoe bona, 'me e nêtefalelitsoe bona. Amen! Monna ke enoa o ne a eme, a ntse a re, “Sena ke Sane! Ena ke Eona!” 'Me keha E le eo, ho nêtefatsoa ka eona pontšo eo re e tšoereng kajeno. Ke eo—ke eo hlasimoloho e tlišoang ke tšenolo. Lea bona? 'Me, joale, keha ba hlile ba E fumane.



315 Ke ka baka leo Petrose a tsebile ho tsoela mono, a re, “Hobaneng, lōna banna ba Judea, le lōna ba ahileng Jerusalema, utloang taba ea ka. Lōna bohle Lingaka tsa Khalalelo, utloang taba eo ke tla le bolella eona, lea bona.”

316 Oh, ho babatseha hakakang! Ho senoloa! Ho senoloa! Ba hlasimolloa hakana mohla ba e bonang e nêtefalitsoe. Hoo ho etsa joalo feela kamehla. E etsa joalo kamehla.

317 Ha ke bona hore Molimo o tšepisitse ho etsa ntho letsatsing lena, O ile a tšepisa ho qhaqha Litiiso tsena letsatsing lena la qetelo! 'Me ebile ha le tsebe thabo, khanya, ha ke ne ke Mo bona a senola sena, ho ema mono le ho e shebella e etsahala! 'Me kea tseba hore nka isana le mang le mang, tsekong: Ha A eso re bolelle letho haese le hlalileng joalo. 'Me hape le ho bona thabo e ka pelōng ea ka, ha ke bona tšepiso ea Hae bakeng sa matsatsi a ho qetela, joalokaha A tšepisitse ho etsa. 'Me ke ena ke e bona e nêtefatsoa 'me e nêpahatsoa ka ho phethahala. Ke mpa feela... Le nkutloa ke re, “Ke ikutloa ke phophoma borapeli.” Ke bona bothata. Hasimoloho eo e futha hakana, ke—ke—ke feela—feela ekare nka tloha ke saoha, lea tseba. Hlasimoloho, e tsoang tšenolong! Ke hantle.

318 Ba hlasimolloa hakana, ke—ke tšenolo, hoo ba bileng ba nêtefatsa, ho lokile, tšepiso. Joale, oh, khili! Ba ile ba phatloloa ke thabo ea hlasimollo, batho ba ba ba re, “Ba khotše veine e ncha,” ha Molimo o no o ba senolela tšepiso ea Hae. 'Me ha A ka a e senola feela, empa O e pakile.

319 Ke buile joalo kamehla. Motho a ka bua eng le eng, yaa, o lemaletse ho bua eng le eng; empa ha Molimo a fihla 'me a e nêtefatsa!

320 Joale, Bible e boletse, “E mong hara lōna, ha a ipitsa motho oa moea kapa moprofeta, ekareha a bolela lintho tsena 'me e sa hlahe, le se ke la mo tsotella. Le se ke la mo tšaba, ho hang. Le se ke la tšaba monna eo. Empa ekareha a bolela taba 'me e hlaha; ke 'Na, lea bona. 'Na, Ea leng kahara eona. Hoo ho paka hobane ke 'Na.”

321 'Me, hape, mosajana eo oa Mosamaria. Mohlang oo Lengolo le ne le tlalehile Messia enoa a tla etsa lintho tsena, 'me ke enoa O eme a etsa seo Lengolo le se boletseng. O itse, “Ke Eo. Tloong, le bone Monna! Na hase seo Lengolo le se boletseng hantle se tla hlaha?” Lea bona, a hla a hlasimolloa ke tšenolo. Na ho joalo? [Phutheho e re, “Amen.”—Mong.] O ile a hlasimolloa ke tšenolo, ha e ne e nêtefatsoa. Lea bona? Ke hantle. O ile a tseba hore ho na le . . .

322 “Rea tseba Messia o a tla, Ea bitsoang Kreste. 'Me mohla A tliileng, O tla etsa lintho tsena.” O e bone.

'Me A re, “Ke Eèna.”

323 Eaba hlasimoloho ea biloha. 'Me ke eo a tloha, a hlabile litlatse, 'me a theoha a haola le motse. A siea nkho ea hae khale ea metsi, a theohela tlase mono, a re ho banna, "Tloong, le bone!"

324 Joale, hola feela le tsebile moetlo oa Bochabatsatsi, ho phoso ho eèna ho etsa joalo. E, monghali. Mosali oa mofuta oo, ha a mameloe ke motho. Che, monghali. Lea bona, o ne a tšoaue, 'me enereha ha a . . . Haeba a ka theoha ka seterata joalo, ka boitšoarō boo, banna ba seterata ha ba mo tsotelle.

325 Empa, moena, o ne a tšoare Lentsoe la Bophelo mona! O ne a hlasimolohile. U ka . . . Eka ho leka ho tima ntlo, e chelang, mohla sefelo. Oh, o butšoeloa ke ho hong! O ne a—o ne a itokisitse. E. Keha ba sa khone ho E tima. Ho ne ho tuka Mollo oa Molimo. E, monghali. O itse, "Haeba le fèla le sa lumele, le ka tla moo kopano e tšoaretsong teng. Ke tla le bontša eona." Yaa. Ke eona. Yaa. E, monghali.

326 'Me ebile banna ba tsoela teng. 'Me ha A ka a hlola a e entse. Empa ba tsebile mosali eo a hlahetsoe ke ho hong. O ne a fetohile, eaba ba lumela ho Eèna. E, monghali. Ba ile ba lumela ho Eèna.

327 Hobane, "Tumelo e tla ka kutlo, ho utloa pallo ea Molimo, Lentsoe la Molimo, 'me le Le shebelle ha le netefatsoa." Hobane, Ke peō. 'Me ha E jetsoe, E tla nka Bophelo. E tla hlahisa seo E buang ka sona. Haeba E sa etse joalo, e tla ba hase Peō ea Molimo. Kapa, mojali ha a tseba mokhoa oa ho E jala; ha a rongoa ke Molimo, ho jala Lipeō. Mohlomong o Li jala holima majoe kapa ho hong. Lea bona? Ka baka leo lea—lea bona, ha mojali a jala Peō, Molimo oa a E hlokomela, E oela tulong e ntle, lea bona. Oh, khili!

328 Eaba Le reng ho mokalli enoa ea apereng botšo? "U se ke ua senya veine ea Ka le Ole ea Ka! U se ke ua E ama, veine ea Ka le Ole! Ke saletsoe ke lethonyana la Eona tlase mono, feela lethonyana le sa le teng mono. Yaa. Joale u ka tsoa ua lekanya bophelo ba mofuta ofe boo u bo abang; u iponele e le uena. U tla bo lefella tlase mane. Empa ha u kopana le veine le Ole, u E tlohele!" Oh, khili! Haeba u ka khona, haeba u . . .

329 Ka mantsoe a mang, tjena, "Ha u ka tšoara Mohlatsoana oa Ka o mong, o tlatsitsoeng ka Ole ea Ka le veine, u a bona, veine le Ole ea Lentsoe le hloekileng, u a bona, 'me u se u tla ba bolaea. Hobane, uena, u etsa joalo. U hlile u etsa joalo. U se ke ua ba qobella ho re 'Ahe Maria,' kapa ho etsa ntho efe e kang eo, leha e ka ba litaeloana tsa hao tse ling. U se ke ua ba isetsa matsoho. Ba tseba moo ba eang teng, hobane ba tlotsitsoe ka Ole ea Ka. 'Me erekaha ba tlotsitsoe ka Ole ea Ka, ba boetse ba tletse veine ea thabo, hobane ba tseba Lentsoe la Ka la pallo, 'Ke tla boela ke ba tsosa.' U se ke ua senya Seo! U se ke ua leka ho ba lubakanya. Hobaneng, u itšole ho Eona. Che." Bohle . . .

330 O nètefatsa Lentsoe la Hae 'me o Le kenya kahare. Ba tsebile. Ba tsebile hobane ba tla tsoha hape. Oh, kamoo ke ratang hoo! Shuu! Ba tla tsoha hape. Pere e ntšo ke ena e hlaha, e kaletse joale, mengoaha e lefifi.

331 Mono ho tsoile pere e tšoeu; re bone seo a se entseng, ka phethahalo. Ke mona ho hlaha pere e khunong; re bona hantle seo a se entseng. Ke mona ho hlaha pere e ntšo. Lea bona, ke mokalli a le mong ka linako tsohle, seo a ntseng a se etsa, ho theoha le mengoaha hantle.

332 Joale re mo fumana, a e lekantse 'me a e lefisa, ka nèpo: koro, ea tlhaho, bophelo ba tlhaho. Ba ne ba phelisoa ke eona.

333 Empa, papisong: Moea, Ole; le thabo ea veine. “Bophelo boo ba semoea, u se ke ua Bo senya. U Bo tlohele!” Ka mantsoe a mang, “Roma, u se ke ua Bo ama! Ke ba Ka! Ke thepa ea Ka!”

334 Joale mona ke tšoare nthoana 'ngoe eo ke batlang hoba le e tsebe. Lemohang, ha se seng sa Sebopuo a se itseng, “U se ke ua ama Ole le veine.” Na le eleletsoe seo? Esale Libopuo a tse 'ne li bua, empa . . . Shebang, e reng ke e bale mona, nakoana feela, lea bona, joale.

*. . . khala, denare, ka—ka . . . ea koro e reko e ka denare, le khala tse tharō tsa harese ka denare; empa uena u se ke ua senya veine le . . . ole.*

335 Joale mamela mona.

*'Me ka—'me ka utloa lentsoe mahareng a libopuo a tse 'ne . . .*

336 E ne e le Eng? Konyana! Amen! E ne e se Libopuo a tse 'ne. Ke Konyana e buileng. Hobaneng? O tli! 'o nka ba Hae ka Sebele. Ke ba Hae. O e lopolotse. Ua bona? Amen! “U se ke ua ama Ole eo!” Che, monghali. Hase Libopuo a tse 'ne, empa Konyana ke Eona e buileng. 'Me, oh, khili! Konyana! E seng . . . Ha e a tumisoa ke Libopuo a tse 'ne. Ho buile Konyana, ka Seqo.

337 Eitseha Libopuo a tse 'ne li re, “Tloo u bone,” 'me ba tloha, 'me ba e bone ka mokhoa oo.

338 'Me A re, “Khala ea koro e reko e ka denare, le kha- . . . le sena hakana ka mokhoa ona, le harese ka bokana.” Empa eaba Konyana e hoeletsa, hantle hara tsona, ho re, “Empa u se ke ua senya veine le Ole!” Uh-huh! Ke hantle. Oh, khili! Mamelang sena, “U se ke ua E senya, moshanyana, ho seng joalo molato oa hao u tla latoa tsatsi le leng.” Oh, khili!

Halofa ka mora robong.

339 Be, ho latela bokhoni ba kutloisiso ea, le ho latela bokhoni ba tsebo ea ka, le ka sohle seo ke se lumelang pelōng ea ka, ke sona hantle se boleloang ke Litiiso tseo borarō ba tsona. Ke batla ho leboha Molimo ka eona. 'Me ke tla bua sena, ho re, ke eona tšenolo eo A 'neileng eona. O 'neile eona, tšenolo ea Eona. 'Me ke lumela hobane re phela matsatsing a qetelo.

340 Hosane bosiu re nka mokalli eo oa pere e tšehla. 'Me joale ha ke tsebe. Ha ke tsebe. Molimo o e tseba e 'nete. Ha ke tsebe ntho le e 'ngoe ka eona. Che.

341 Ke ne ke shebile thero ea ka ea khale ea lilemo tse fetileng. Ke bone Moena Graham Snelling nakoana e fetileng; e ka ba o tsoile. Empa, ke sa hopola ke rera mona, pele. Ka sheba seo ke se buileng lilemong tse fetileng. Tsatsi le leng ha ke tla haola le Buka ea Tšenolo, ka nka bakalli bohle ba lipere tse 'ne ka nako e le 'ngoe.

342 Ka re, "Pere e tšoeu, eona e ne le kereke ea mesong, ntle le pelaelo." E le ha ke e balile bukeng ea maAdventise. 'Me ke balile lethonyana mono. Ka re, "Ke kereke ea pele e tsoileng, e hlola." 'Me pere e latelang e le ntšo, ka re. . . Kea lebala joale na pere e ntšo eo ka e bitsa'ng. Ka re. . .

343 Kapa, "Pere e khunong," ke rialo, ka re, "pere eo e ka ba hoo—hoo mathata a hlahang tseleng, e ka ba lintoa tse ngata tse hlahang, kapa ntho e kang eo." Ka re, "E ka ba ho tla hlaha lintoa tse ngata." Ka re, "E tla ba ntho eo." 'Me eaba ke re, "E—e tšehla per- . . ."

344 Kapa, "E—e ntšo pere," ka re, "hoo—hoo ho bolela mohlomong e ka ba hoo—hoo ke ho hlaha ha nako e lefifi holima lefatše, mohla linaleli tsohle li tla—li tla hana ho phatsima; letsatsi le tla tima, le khoeli e hane ho khantša ngoeli." Ka re, "Koana e ka ba seo e se boletang."

345 Ka re, "Pere e tšehla, e lekanya maloetse a mangata a tlang." Joale, ha ke tsebe na ebe e boletang. Empa, eo, e ne e le tlhaloso ea ka ea eona mohlomong oo, hobane ka e nka ho latela bokhoni bo matla a ka, ke eme holima sefala mona.

346 Empa, oh, ke batlile ke bua ntho e itseng! Ho lokile. Hum! Oh! Le tla—le tla bona. Le shebe feela, le bone.

347 Joale, oh, na ha rea thabela hora ena eo re phelang ho eona! [Phutheho e re, "Amen."—Mong.] Ha re bona ntho ena eohle e bokellana, kea nahana:

Lichaba li reketla, Israele ea tsoha,  
Lipontšo tse lepiloeng ke baporofeta;  
Matsatsi a Lichaba a baliloe, ka tsietsi tse  
phophothang;  
"Khutlang, oho lōna baqhalani, habo lōna."

Tsatsi la topollo le haufi,  
Pelō tsa banna li emisoa ke tšabo;  
Tlalang Moea, mabone a lōna a kutoe a hlake,  
Lelalang, topollo ea lōna e haufi! (Oh, khili!)

Baporofeta ba bohata ba thetsa, ba latola  
'Nete ea Molimo,  
Hore Jesu e leng Kreste ke Molimo oa rōna;

Lea E lumela na? [Phutheho e re, "Amen."—Mong.]

Empa re tla hata mehlaleng ea baporofeta.  
 Hoba tsatsi la topollo le haufi,  
 Pelō tsa banna li emisoa ke tšabo;  
 Tlang Moea, mabone a lōna a kutoe a hlake,  
 Lelalang, topollo ea lōna e haufi!

348 Na ha e babatsehe? [Phutheho e re, “Amen.”—Mong.] Ke rata seo. Topollo e atametse.

’Me Leseli le tla chaba nakong ea mantsiboea,  
 Tsela ea Khanyeng le tla e fumana ruri;  
 Tsela-metsing, Leseli le chabile kajeno;  
 Ho patoa ka Lebitso le bokoang la Jesu.  
 Bacha le baholo, le bake sebeng sohle sa lōna,  
 Ruri Moea o Halalelang o tla kena kahare;  
 Leseli la mantsiboea le tlile,  
 Ke ’nete hore Molimo le Kreste ba Bang.

Ke Lentsoe! Oh, khili! Ho a babatseha!

Hang Konyana e tla emisa Monyaluo a Eona  
 pel’a Eona ka mehla,  
 Makhotla a Leholimō a tla phutheha ohle;  
 Oh, pono e khanyang, ho se koli bakhethoa ba  
 basoeu;  
 Re tla busa le Jesu ka Bosafeleng.  
 Oh, “Tloong le je,” Morena oa bitsa, “Tloong  
 le je;”  
 Oh, u ka jella tafoleng ea Jesu kamehla;  
 Ea fepileng matšoele, a fetola metsi veine,  
 O bitsa ba lapileng joale, “Tloong le je.”  
 Oh, “Tloong le je,” Morena oa bitsa, “Tloong  
 le je;” (Ho feptjoa ka Lentsoe!)  
 U ka jella tafoleng ea Jesu kamehla;  
 Ea fepileng matšoele, a fetola metsi veine,  
 O bitsa ba lapileng joale, “Tloong le je.”

349 Oh, khili! Ana le lapile? [Phutheho e a nyakalla—Mong.] “Ho lehlohonolo ba lapileng ba nyoretsoeng ho loka.”

350 Lea Mo rata? [Phutheho e re, “Amen.”—Mong.] Lea Mo rata? Lehlaso la *Kea Mo Rata*, lea tseba. Bohle ha re emeng joale, re phahamise matsoho a rōna re itlhalose ho Eèna. “Kea Mo rata, kea Mo rata hobane A nthatile pele.” Ho lokile, bohle ’moho joale.


Kea Mo rata, kea Mo rata  
 Hoba A nthatile pele  
 Le ho lefella poloko ea ka  
 Fateng sa Kalvari.

351 [Moena e mong o bua ka leleme le sa tsejoeng. Moena Branham o a thola-thola—Mong.] Ka hlompho e shoetseng feela. Re na le mokoaholli mona, Moena Higginbotham. Ha ke

tsebe o teng mona bosiuong bona, kapa che. Re batla ho fumana seo A re boleletseng sona. Beang butle motsotso feela. Mona, mona . . . [Khaitsele e mong o a koaholla.]

<sup>352</sup> Ehlile, ho bokoe Morena! Tumelo ea ka e nyoletsoe holimo ho Molimo. Lōna, na lea Mo rata, bosiuong bona, ka pelō eohle ea lōna? [Phutheho e re, “Amen.”—Mong.] Oh, thoriso ho Eēna, ’me le re, “Kea U leboha, Morena Jesu!” [Phutheho e boka Molimo.]

<sup>353</sup> Kamoo re U bokang, ka lipelō tsohle tsa rōna, Morena! Ho tlotlisoe Molimo!

<sup>354</sup> Mo roriseng feela, lōna batho bohle. Molimo a be le lōna! [Phutheho e tsoelapele ho nyakalla le ho rorisa Molimo—Mong.] 

### *TŠENOLO EA LITIISO TSE SUPILENG*

(The Revelation Of The Seven Seals)

Melaetsa ena e leshome e reriloeng ke Moena William Marrion Branham e hlahisitsoe ka Senyesemane ka Hlakubele 17 ho haola ka Hlakubele 24, 1963, mane Branham Tabernakele, Jeffersonville, Indiana, U.S.A., eaba Tsiiio Ea Bosupa e ntshetsoa ka Hlakubele 25 mane Sherwood Motel. Ka mora ho fumana liteipi tsa mantlha tse hlakileng le tse sekolokoto, Melaetsa ena ea boela ea raloa ka tšobotsi ea joale. Boikhathato bohle bo entsoe ho fallisetsa Molaetsa o builoeng ho tsoa khatisong ea teipi ea makenete ho isoa leqepheng le tlantsoeng. Phetolelo ena ea Sesotho sa Boroa e ngotsoe mona e sa khaoloa ke ba Voice Of God Recordings.

Litokelo tsohle bukeng ena li babaletsoe. Buka ena e ke ke ea rekisoa, ea tlangoa bocha, ea fetoleloa lipuong lisele, kapa ea sebelisoa ho qela matlole ntle le tumello e chaeletsoeng ka lengolo ea William Marrion Branham Evangelical Association.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)